

治世全書

十
冊



			九	漢
			一	書
			九	門
			四	
			三	
			號	
			類	
			架	
			冊	

庫	文	閣	內	
九	九			漢
一	一			書
四	三			
架	冊	號	類	

內閣文庫	
番號	漢 9193
冊數	10(10)
函號	297 43

職官三號

十止



李經樓

增定分類臨民治政全書卷十

婚姻類

○捐俸完姻事

蕭山縣令 蔣諱星煒

審得張與蔡皆世族也。張某與蔡某又貧交也。兩

人婚姻之約。蓋有年矣。不謂張某去世。蔡遂以存

亡易心。窺其意。則以張氏子貧而無以朝夕耳。嗟

乎。少君之與鮑宣伯。鸞之與德耀。一則脫簪而輓

鹿羊。一則去膏沐而操春作。兩賢人以此千古兩

女子亦以此千古。此古今貧士之公案也。卽以世

俗○言○之○婚○姻○簿○上○自○有○一○定○因○緣○衣○祿○分○中○豈○無○
 生○成○造○化○揀○得○來○固○由○爾○命○推○不○去○亦○是○爾○緣○不○
 如○無○負○初○心○先○得○一○場○舊○案○假○令○棄○此○寒○交○易○彼○
 銅○臭○毋○論○詩○書○之○族○祖○父○貽○羞○卽○此○鏘○薄○之○心○鬼○
 神○不○佑○木○縣○自○慚○涼○德○竊○慕○古○型○代○納○寸○絲○使○聯○
 百○世○倘○絲○蘿○之○好○永○矢○勿○諼○則○禮○義○之○風○爰○茲○不○
 替○此○蕭○然○堂○上○之○令○楮○操○月○下○老○人○之○柯○成○今○日○
 之○良○緣○作○異○時○之○佳○話○云○爾○

富事執斧柯者佳話中選選有之至于捐俸代
 聘尤為僮事若蔣君此舉真足維持教化美風
 俗于不朽

○良賤亂配

劉諱明謙

審得王之甲之父王某幼穉廝養于楊道腴長配陸氏從嫁監生潘士彥家蓋居然楊之臧獲也後仕分居營運家頗饒裕報道腴甚厚業已許其出姓歸宗書照矣之甲之入庠也道腴子生員楊有孚實保結之書劄稱謂皆楊叔而王姪手跡在卷則凜凜名分在楊已先自壞矣何怪乎某之思誠其畔而蟬蛻其故吾也于是以伊子之甲議婚于楊而有楊之族醜如某人者貪其阿堵愿以女鳳

姐許焉惟時主婚者楊道腴作伐者楊繼芳催聘者楊有孚納幣納徵布筵告廟蓋在客秋之仲距婚期尙數月而遠諸楊豈不聞知竟不撲滅燎原直待臘月廿一日釐降已成琴瑟旣好乃以良賤控鳴不亦晚乎此一案也在楊某等諸人利動而智昏王某父子篡名而犯分按之以律本當離異第念此女置于何地庠生已爲民之秀嫁出父愿婚逾半期姑聽完聚曲全伉儷從此以往某人許入楊廟以黜族醜楊族不許畜之甲爲甥以正

至名庶幾門墻雖壞界限猶存雖爲移法以就情或亦情全而法未盡廢乎王之甲楊某道腴繼芳錢選各杖懲之甲仍量罰助脩府學王某到日擬罪

○整肅綱常

趙詩開雍

劉氏之女嫁楊玉升爲妻業已一年所矣劉氏以覲爲業每攜女出入人家玉升慮其引入左道禁妻歸寧亦所以閑有家也玉升旣拂劉氏之意劉氏又疾玉升之貧遂致屢次鳴官希圖改適虞山

擇女河伯娶婦賈亂不經之說忽行于兒女骨肉
間亦狂悖甚矣今復罔控以開張畧賣為辭謂欲
整肅綱常也然則重幃簿別嫌疑者非綱常而習
邪教恣游俠者反為綱常耶張弧載鬼之談不猶
是吐火吞才之幻耶壻願得婦女願從夫宜爾室
家永無異說劉氏本應重懲姑念窮嫗免議

○背盟不法事

張諱一魁

審得方國順與吳學福之女有婚姻之訂其來久
矣賦桃天之咏已及瓜期奈萍逐之身如同斷梗
國順我躬不閱遑問室家學福名曰催親實圖翻
覆閨中少女不堪虛度青春露處窶人無計能牽
紅幕吉士徒有四壁奚辭以謝標梅淑女望斷三
星何夕纔賡束楚傷哉貧也幾致輕離我則憐之
仍為復合今本縣捐俸八兩着冰人圓彼百年庶
免怨曠之懷永遂唱隨之樂

○硬配事

高諱登雲

審得衛源芬出金二百為少姬花氏贖身非為色也念氏墮足風塵欲為援手故以渡蟻之心移而渡人近貿易粵東借遺書其弟源馨為花氏另覓好兒郎格調相稱者嫁之適柳氏子榮青年未娶願納花氏為妻源馨即以配此婦倖哉若念成巢新歡出自捲簾舊德而潸然出涕亦以恩非以情也逝渡不返從此永作柳家婦矣老鴿周氏之以硬配告不過請益云耳花柳同妍正其佳偶何硬配之有哉周氏涎利無厭合杖以儆其後

○擄占事

顏諱堯揆

審得諸生賀全璧與妻某氏生當時命不辰蹇值豺狼當道璧則携妻而走荒郊劍戟叢中遂失燕鶯之侶氏則覓夫而悲道左流離旅次別聯鸞鳳之班歷三夫而後嫁劉欽臣身似落花無主育二雛而重遇賀全璧跡同覆水難收前情未斷後戀又深故夫可歸幼兒難割氏因徘徊于莫決璧即號泣以具呈眾為曲處官徇公評賀全璧備聘以

贖妻劉欽臣還妻而留子使遣眷復歸前度之劉
 郎而索粟不隨還朝之蔡婦將見欽臣抱子入孤
 幃蝴蝶夢中竟刺鴛鴦之譜黃氏隨夫返舊室弋
 息語裡猶兼砥礪之悲哀此藕斷絲連泪滴胡笳
 十八憐其珠離璧合俱免漢法三章

○劫親大變事

孫謙魯

審得錢小江與妻邊氏一胞生女二人均有姿容
 八人欲得以為婦某希圖聯姻非一日矣因其夫
 婦異心各為婚主媚寵出奇者既以結婦欺男為
 得志盜鈴取勝者又以掩中藏外為多功遂致兩
 不相聞多生誑誤二其女而四其夫既少分身之
 法東家食兮西家宿亦非訓俗之方相女配夫恠
 妍媸之太別審音察貌憐痛楚之難勝是用以情
 逆理格外行仁然亦不敢枉法以行私仍教引經
 而折獄六禮同行三茶共設四婚何以並行父母
 之命媒妁之言二者均不可少茲審邊氏所許者
 雖有媒言實無父命斷之慮開無父之門小江所
 訂者雖有父命實少媒言判之是謂無媒之徑均

有妨于古禮且無裨于今人四男別締絲蘿二女非其伉儷寧使嗟臍于今日無令反目于他年此雖救女之婆心抑亦籌男之善策也各犯免供僅存此案

○恩批全節事

王諱遂

張氏以未字之女聞夫故而守貞此人情之最難者本縣且敬之畏之不敢以尋常節婦相待姑舅之恩斯勤斯所以曲成其志者當無所不至柰何動加詬訾每以遺嫁為辭節有餘而孝不足豈其然乎此婦人偏愛少子慮其有守必有繼不若逐婦以杜立嗣之源令少子獨承其業耳前案已定孰敢更張

○恩完骨肉事

趙諱開雍

審得凌有帶妻陳氏亂中逃散為兵所虜業經一十三年展轉飄零三易其主最後而為蕭加善之妻亦已十二星霜矣有帶訪知具控兗西道將氏斷歸加善給銀二十兩為有帶再娶之資乃有帶不遵又復控憲破鏡重圓誠仁君子所樂聞者但

婦重初醮○宜歸前夫○謂前夫偶爾隔絕○有未斷之○
義○後夫婚姻不正○有離異之條耳○今有帶之失散○
既成覆水○難收加善之成婚○又覺恩山已重○夫婦○
大倫此而彼○彼而復此○是以亂易亂也○况

鼎革以來○婦人之被擄者○例應備資取贖○今有帶○
流落多年○謀身寡策○取贖無資○恐夙好不諧○而此○
倚興嘆也○况加善以傭工之人○費半生血汗○僅得○
一妻○一旦割此和弦○完彼破甑○豈情法之平也哉○
合無仍歸加善○給令有帶再娶○赤貧之子○得此二

十金○不獨可以娶婦○亦復可以資生矣○小二姐已○
嫁劉章玉臺○久定則又萬難移易者也○

律設大法○理順人情○二語正謂萬難處分之中○
求出一段至情○方始允協○今陳氏已嫁加善○十○
二年矣○安得復歸前夫乎○若此者○斷不得拘重

圖之說○

○枉詐事○ 蔣 謹 鳴玉

番得已故汪培壽○乃周氏夫○而周昌運則周氏父○
也○因周氏夫亡身寡○顧影無依○其徙倚培壽宅○非

真日故人恩義重也。蓋明知丈夫之產業富饒。而欲攫家筭以上別船耳。時同族諸人見其矢冰砥玉詞色凜冽。謂是吾家節婦也。于是共立族侄汪嘉麟。繼培壽祀。胡乘回祿之變。誣嘉麟搶奪噫。此借題耳。將無憐兒腸冷。求夫情熱乎。暗藏皮裡之風情。巧裝口頭之節義。卽長民者亦難遽度其以田產主之族長號簿歸之。周氏亦將曲爲調停耳。豈料口松柏而心桃李者。已逐東風于簾外。轉瞬又作他人婦乎。今據族人供。則培壽之資。已爲

周氏席卷移向新夫家。問其故。則出于昌運之暗唆。而勒銀返簿。貪而譎。非此父不生此女矣。將無昔日之泥沙其行。而冰霜其語者。皆昌運之穿鼻附耳其間。而曰以待來年。然後嫁乎。助女惡而欺甥孺。一杖有餘憾焉。

婦人之心巧而毒。大率皆然。其父爲之主謀。是誠何心哉。

○殺孫奪媳事

方學經因歲值窮荒。膳母無策。將妻鄭氏賣與邵

張諱一魁

文顯為妻傷哉貧也念菽水而棄糟糠其心亦甚
 可憫矣為之婦者果情依破鏡願續鸞膠此其事
 非比于覆水難收本縣雖貧何難為涓滴之助今
 窺其意反戀戀于新夫而睚眦于舊婿婦人之無
 情一至此哉將無半菽不飽短褐不完者久矣為
 室中之交謫而願架棄失之橋乎見金夫而忘故
 侶其勢不能復合矣所可恨者周自明知羅敷有
 偶而敢為此不情之事是難辭于杖傲耳
 有斯惡婦方愈顯學經之孝

○法斬事

張諱能鱗

看得沈某與生員張某皆朋比為奸者也先因陳
 某無嗣曾聘張某之婢為妾而沈某則其冰上人
 也夫翁已為雞皮鶴髮而婢猶作艷李濃桃得無
 誤乃芳年乎迨鴛頸雖交熊夢無兆越六載而改
 嫁劉龍不可謂非陳某之德兩少相親歡同魚水
 其棄朽翁如敝屣耳此亦何略何賣乎沈某分甘
 不遂輒唆張某具詞今召陳某之故妾詰之問與
 新夫安否則曰安然則張某之嗷嗷者何為甚致

巧為說辭。曰劉龍偷兒也。非所宜嫁。夫始適老馬。終歸黠鼠。妾薄命一詞。亦聽其自歌。自泣耳。張某此告。無乃為百花憂春雨乎。沈某應杖。劉龍仍聽完聚。

○拐妻事

李詩清

審得羅采之嫁妻許氏。本以貧故。想臨岐慟訣時。當作黃泉無見之悽語耳。胡采數年後。忽以病篤為言。欲借原妻侍養。嗟乎。去燕可歸。去婦無返。奈何。欲以雁臣為雁妻。而去來幾同轉丸也。後夫程玉之慨然許往。何為者。豈見采奄奄牀簀。蓋逝非遙。故以病鶴支離不起。雲雨之妬。且死別生離。傳語甚慘。雖新官亦下舊官之淚。而聊以明吾仁乎。抑許氏舊心依依。猶念枕席有涕泣處。若非厚于

前則亦薄于後而聊以明吾義乎是不可知胡羅
采亡後竟以荆州之借為息壤之寒也問其故則
緣羅采有子義為積猾王紹曾所唆而欲以質母
者為勸貨地耳夫羅采之借奇程王之允奇羅子
義之不還又奇一事而三奇備焉真欲令人絕倒
羅采之故婦可返猶希轉石而程王之今婦不歸
翻同覆水情耶理耶羅義與王紹曾合各被懲許
氏仍歸程王

○烈婦沉冤事

陳 懋 德

審衙閱此案而嘆人識量之不相及豈不遠哉烈
婦黃氏女子也實奇男子也求娶之熊廿六主婚
之黃璞媒合之黃鶚男子也實皆襟裾馬牛也彼
但知少年貧娶生計無依不若再醮為終身之托
而已焉知黃氏之志皎如日豎如石卓越千古也
哉黃氏一鄉鄙女耳非生長名門嫺習女訓乃一
且為未亡人截指誓守脫珥養姑立嗣續後而且
縞素頌誦以念亡夫者十五年如一日此何等志

節也。不意獸親明計。給婚。輒警號。搥跌。自分一死。猶願償聘。願削髮。以存此身。何為哉。迨相持深夜。引刀。刎決。尚延餘喘。一見我姑氏。而後剗喉。以自絕。死。不忘姑。如此。則存身者存姑也。存亡夫也。此又何等志節也。夫世之激烈一時者。不乏矣。黃氏獨明了大義。從容中節。卽有殺身成仁。奇男子曷以加茲。噫。烈婦。死。烈婦。生。矣。烈婦。死。何恨哉。獨恨誰妄觀此烈婦者。誰賺逼此烈婦者。誰羈持此烈婦者。熊廿六與黃鶚之肉。非皆孰不食餘者耶。姻

尋。耦。寃。尋。對。今。熊。廿。六。庚。斃。似。可。謝。烈。婦。于。九。泉。矣。黃。鶚。屢。戍。改。配。實。亦。禍。首。難。容。再。徵。湯。網。仍。應。遠。配。以。洩。貞。憤。至。烈。婦。建。坊。之。議。斷。不。可。廢。應。照。干。黃。鶚。名。下。判。銀。十。兩。并。鶚。等。原。誣。聘。銀。十。一。兩。俱。追。出。公。同。領。造。旌。揚。風。勸。俾。芳。名。與。日。月。爭。光。毋。與。鼠。輩。久。溷。也。

姦情類

○強姦殺命事

倪諱元琪

審得呂敬以訪蠹肆淫○窺轎夫鄭某為棄姓之奴○
 其妻章氏生也賤少而有姿○又復卑居獨處每于○
 霜朝露夕以雇轎為名○直入其內室而逼之○不意○
 烈婦之性湛如也○拒之○不得遂自縊焉○據敬稱被○
 媿二年繼而自悔○又云婦非良家何用強逼夫賤○
 其人不必賤其性即使○素行不可知此日之死是○
 死則一日之貞亦是貞○而况年纔十九兒止三週○

非決絕于義不復生何忍上棄良人下捐孺子而
屈戶雉經并棄其身如脫屣也遠近之人見聞嗟
嘆無不欲食呂敬之肉者尚敢逞其辨舌誣為和
姦又誣葉前為寃對謬思嫁禍移災分其罪于風
馬牛不及之人乎斬抵以慰貞魂斷斷非枉
貞烈而不以貴賤論安見豪門皆冰雪之襟而
貧婦盡滯邪之性耶既因強以喪其命復借和
以玷其名罪更加一等矣

○庠姦敗化事

李諱清

審得生員顧念勤有田二畝為郭之甲佃種念勤
一日親往索租人杳然也問之甲何往伊妻葉氏
以他出應念勤艷其色遂為入戶之桃葉氏攔阻
之餘遂至揪喊于是叔姑胡氏徐氏踉蹌而至一
雄不及三雌念勤始有裂冠毀髮之辱矣之甲之
控豈曰無名葉氏村姑貧婦而有烈女子風據徐
胡二氏口供謂其蟬禁不甘幾欲自縊曰吾頭可
斷吾身不辱也該縣捐俸之獎誠足示勸彼念勤
者鬚眉丈夫也得無悔其移步之錯而有愧巾幗



之錚錚者耶罰穀示儆

○斬姦事

周諱亮工

審得富民翁懷泉廣債蛟川馮某則兵捕而開張
 米舖者也有妻某氏婉約多姿時露風情與懷泉
 締拜義父跟下心前久訂桑中之約矣懷泉之抵
 郡以為東道主亦曰此銅雀別館耳而在馮某且
 以是為奇貨可居也察締拜以客歲六月馮某適
 有東甌之行其天假之緣也抑某自識為眼中釘
 拔去以予二人之便耶昔何以和今何以捉夫懷
 泉固賈人也惜玉之心不勝其惜金之心所以來
 二十夜之叫喊耳王美觀之燈照陸敬之保認懷
 泉即自喙何辭哉而某猶激切欲休此婦以洗穢
 濁之名試問捉獲之時胡不鳴官而須之次日即
 云置酒憩息卧榻鼾睡之恨豈杯酒可消者哉亦
 從前知情之一証矣懷泉設財漁色馮某賣姦誑
 稟應分別擬杖

始也惜玉既也惜金守錢奴原非風流子也為
 富不仁者大約如是



○首姦事

李諱清

婦人以淫獲罪者○惟艾氏差可原○蓋原伊夫蔣成○
 坐歐死人命○擬辟則一切館粥之需○非艾氏誰任○
 哉○夫家既無舅姑伯叔○已家又無父母弟昆○嫁人○
 乎○則夫餒○潔已乎○則已與夫俱餒○于是以逐水之○
 苦情為黥金之神術○此里人周全所以私其妻而○
 飼其夫也○胡全族弟周黨○涎艾氏而謬希朋姦艾○
 氏拒之○亦一之已○甚不可再耳○若何而黨者○遂以○
 姦首也○今召艾氏廷質○則兩泪垂頰○若不勝情○請○
 恩○莫深于夫婦而痛莫切于饑寒○嫁人不可繫已○
 不能只因心苦○以致身辱○爾時問官聞此○亦慘然○
 色動○謂艾氏處此柰何○若使蠅螂之穢飽○改為寒○
 蟬之潔饑○義也而非情矣○于是代此婦謀○令書其○
 事于衣裾○以持沿門之鉢○夫乞之為名○賢于淫是○
 或一道也○周全淫而不義○周黨妬而不情○應分別○
 杖懲艾氏○已經薄治○合免的冲

于姦情內推出一片不得已之苦衷○而獨宥此○
 婦已明為天下開一方便法門○若日必如此婦

之姦始可原宥且隱爲天下作一止淫訓誥矣

○賞審究結事

杭州紀諱元
司李

審得王仁八梓人也其徒方超五從之學規矩而
超五之兄方超一以縫皮往來仁八之家去年十
月間仁八生理建昌留其妻李氏于室超五乘機
誘竊復以其兄超一合超四爲外應買舟共逃仁
八其官不見其妻矣比控縣差緝隨獲李氏超一
于連湖超五遁焉夫李氏淫婦人也超五弟子之
至無行者也輪扁授斲技未至于成風桑濮要盟
事豈同于奔月扁舟烟水連湖果五湖哉羅敷有
夫野合非好合也合依和同相誘律超一減等擬
徒某氏收贖斲令仁八領回聽其去留超四超五
照提另結

毛諱齊南

○打死弟命事
兩鰥而姦一婦必殺之道也周敬三通朱廉之妻
兩約雲期自矜奇遇孰知披其帷先有南八在乎
慾火與妬心兼熾拳脚所向而南八無生矣一死
情一死法天道禍淫如敬三者又淫報而兼殺報

左

者也

○打死男命事

沈諱迪吉

王良玉之毆打鄭仁固人所共見特鄭仁之死實
 不○死○于○案○內○之○毆○而○死○于○案○外○之○毒○不○死○于○警○家
 王○良○玉○之○手○而○死○于○已○妻○丁○氏○與○侄○鄭○奇○及○舅○丁
 好○兒○之○手○也○丁○氏○與○鄭○奇○通○姦○仁○知○風○而○吊○拷○丁
 氏○且○有○必○殺○鄭○奇○然○後○甘○心○之○語○鄭○奇○逃○匿○隣○村
 久○而○不○返○某○日○鄭○仁○赴○集○偶○遇○怨○家○于○狹○路○乃○以
 他○事○結○讐○之○王○良○玉○也○彼○此○交○攻○適○良○玉○之○弟○度

珍在亦揮拳助毆仁遂于當夜畢命此仁姊王氏
 所以有人命之控也在良玉自備殺人抵罪王法
 昭然絕不疑其有別故兄弟二人遂不待刑訊之
 加而自分首從甘認抵償聽斷者至此自不復于
 抵償之外別尋枝葉矣此丁氏與鄭奇輩得以漏
 網經年有病而莫之發也甲職展轉是案獨疑其
 被毆之後猶能獨自歸家歸家之後猶能飲酒吃
 烟似非狼狽太甚者何以能死且死之若是其速
 也及問臨死之聲音考屍單之顏色聲音則滿口

沈氏全書

卷五

二十

叫號顏色則遍體純青其為中毒也何疑因密訪
鄭仁家事始知原有中毒之言且聞丁氏身傍別
無臧獲止有一弟名丁好兒遂疾提到官與衆犯
隔別嚴審給以王氏口供云藥死鄭仁由于丁氏
又給以丁氏口供云毒死是真但毒藥出于好兒
之手好兒聞此遂張惶失措急辨曰此事與小的
無干如何倒說是我夫有無干則有有干者矣于
我為倒則有于人為順者矣少加刑鞫則鄭奇之
畏禍生奸與丁氏之乘機下毒并好兒迫于至親
不得不為助惡之事皆和盤托出矣復訊王氏何
以舍毒死不告而告毆死則云初亦疑其中毒祇
緣恨良王之深故一口咬定不欲使他人分故耳
且欲賣丁氏得金為養老計是以隱忍而不言慮
其無售主也訊讞及此實有鬼神指使其間非
職片言所能析也彼三犯者亦自良心勃發皆俛
首甘罪而不辭矣人命重情前後審異卑職不敢
擅專理合具由連人解奪

舍却人命而于案外審出一段毒死情由雖曰

神或使之。實由彼此兩給。使其真情不覺自露。龍圖再世不意復見此公。

○自首殺姦事

文 諱 翔鳳

張守祿私通侯節之妻楊氏。一乘其夫之遠出。乘其妻之他往。私申中冓之好。敢為同夢之歡。不虞侯節之夜歸也。小家門扉一推而入。兩人猶在睡鄉也。侯節怒氣填胸。拔挺而撻之。登時畢命。保正隣佑之目睹可據。及委官就屍所而驗之。下體裸赤。不挂一絲禽獸之行。死有餘憾。侯節編氓而。有不可屏之氣。本縣錫紅迎示境內。以寒滯奔。膽。

血性丈夫見茲醜行。斷無俱生之理。至今令人讀之。猶覽英風凜凜。其賣妻之姦。而賴以幫扶。見妻之姦。而故為不知。聞此寧無愧死。

○強姦滅倫事

顏 諱 堯揆

審得夏良俊無以為家。見撫于夏文炳。而以羅氏配之。則炳亦為有恩者矣。事無大小。自應稟命。雖區區三斗菽。不問而自取。長此安窮也。炳加呵斥。

亦田峻作家之常。俊則誣其子以強姦。真背恩而不知法者。杖之猶為寬典。第俊實炳侄。而氏乃炳婢。以婢配侄。是侄可為奴。而婢堪充媳。其顛倒于良賤之間。較俊罪為尤浮矣。亦懲以杖。俾知法不可以情奪耳。

○汚嘆黑冤申

浙江張諱安茂

余祖舜以失節之故。讐其舊主湯仁三。仁三年逾四十。望一子之青。其於不啻鵠之欲黑。烏之欲白。移山倒海而不可得。其釋師而教也。固宜何物。

舜自稱婺州名士。撰寫紅梅記一段。粘貼通衢。其處女嘲及新館之郭生。具揣其胸中。墨亦止有紅梅數劇耳。試以他藝殊覺茫然。欲塗他人以花面。而不知公廷窘辱巴面之更。花于人也。犁舌地獄之設。正為此。人痛責枷示外。仍杖之以砥頽俗。寫紅梅一段。而欲玷處子名節。其人之險惡。可知。究竟公堂試藝。併求如紅梅之一段。而不可得。是欲辱人者。適以自辱矣。然其致毀之由。皆因易師起見。故曰人之患在好為人師。

○通姦事

竹諱綠漪

審得了圓乃僧而悟真乃尼也。了圓之寺與悟真之庵接武。適以盆蓮盛開。了圓手折一枝。授悟真。日作清淨供。夫男女授受不親。禮也。豈尼僧授受。獨不禁乎。此隣媼高氏。從傍私嘲。以通姦首也。及召諸尼合質。則云是兩人者。本中表雁行。故時接語。實無他也。然始以語接。繼以手接。恐浸淫不止。勢將無所不接矣。清淨法壇。豈應有此曖昧之事。但審高氏之控。則因貸果不獲。與悟真有夙恨焉。

故以空載月明者。為僧敲月下之控耳。了圓跡涉瓜李。一杖示懲。高氏應杖而不杖。惜其貧耳。非直之也。

僧尼授受。曾無瓜李之嫌。即日中表雁行。恐亦有未便也。高媼雖懷私誑。控然使無今日之舉。得無以禪房榻。暫作陽臺佛前燈。權為花燭乎。

○姦擄事

李諱嗣京

審得臨川生員何可進。金谿監生谷嗣歐。俱薦紳子弟。而締葭莩之好。何男谷女居室有年。然谷氏

僂而何子應明。慙蠢是怨。樹也。緣嗣歐第三女。嫁
 李魯。乃生員李泰之兄。應明婦數往視。妹遂與泰
 通。去年八月。泰誘谷氏。并其幼子。私奔比何谷兩
 家。告發。泰略無慚愧。携至會城。潛匿朱好十家。已
 踐桑中之期。復動扁舟。之與臨川。化為臨邛。而廉
 耻。彝倫俱為掃地矣。及就質南昌。詭出庚書婚帖。
 指李祥為媒。證毋論官門子。如必不以分鏡易銖。
 兩即有之。有不稟命父母。及夫翁者乎。有妹為兄
 妻。姊為弟妾者乎。今鞠木夫應明。而應明不認。鞠
 可進嗣歐。而可進嗣歐不認。鞠李祥。則原名張雲
 衢。僂居李泰庄房。迫于勢脅。令其頂名。赴質者。淫
 狐。雖善幻。其能遁形于光天化日之下乎。真西江
 一醜行也。禮著聚塵。不謂戚里之牆。有茨。詩歌有
 鼠。共知公族之子。無裳。婦慚咏雪之家。門士愧春
 城之麗藻。谷氏暫着親父。收領其離合聽之本夫。
 李泰既不齒于衣冠。決難容于名教。所當先行褫
 革。仍以和誘之罪。罪之。庶足以正風化。而植防維
 者也。

從來女嬌男蠢。未有不生淫念者。至其數往別家。而公姑不之禁。無惟乎有今日之醜行也。若夫才貌相當。而復有桑中之約者。吾更不解。

○殺夫賣女事

秦諱世禎

丘黃梟獍存心。淫惡無忌。欲占王某妻張氏。遂與張經。獨計誘合夥。同賈河南。行至僻野。而一持木棍。一持扁擔。突然擗擊。斃不移時。竟條至此。天日為昏矣。且欲滅其踪跡。埋屍荒野。姦其妻。斃其幼女。併姦其大女。而轉鬻于李翰林之家。窮兇極惡。

未有如黃等之甚者。幸氏賺至河北。鳴冤就捕。一經推問。供吐如畫。依律擬斬。猶有剩辜。張經。爾未正典刑。遽服陰殛三尺之法。不得加于夜臺。有餘恨也。歇家陳一德。以不知情。免議。小六姐。應歸張氏。驢二頭。變價給主。

始雖失節。繼能復仇。猶不失為女中丈夫。

○真正人命事

陶諱問

妖僧叶喜。然倡教白蓮。愚民煽動。衛勝八方。奉之為佛。而某氏旋謂之為夫矣。錫飛西蜀。携來巫峽。

之雲履竊東牆。稱入摩伽之席。愛河溺性。怨魄先沉。火宅焚軀。冤骸被燼。傷哉勝八媚禿首。而斷其髮。妻信符木。而沒其生命。依沙門而得其火。葬果報若斯。邪魔亦可畏哉。有因姦致死之正律。無煩謀殺之深文。速決此髡。以填冥獄。

○解審事

趙諒開雍

審得劉華之殺羅八所朴者。非姦即盜之說。初讞者寬之。亦扭于無故夜入人家。登時打死之律。但律之本意。全在無故登時。四字。蓋無故而來。惡為奸人。刺客荷一緩縱。則禍反及已。故登時殺死。可勿論也。今羅八鱗傷遍體。非倅然殺死者矣。兩人相格。不應如許多傷。既已多傷。不應復加細縛。宜憲臺疑之。駭之。而欲嚴究之也。仰遵細鞠。以為盜則無賊。無夥。萬難懸坐。以為圖財。則圖財害命者。其設謀必陰。其行事必疾。必不相格。闔而至于鱗傷也。揣其情理。閱其前後。口供其為姦。無可疑者。蓋非補于姦所。何以赤身被戮。非赤身被戮。何以體有傷孔。而衣無鎗痕。况中夜有賊。丈夫格捕。為

之妻者縱不赴援亦當喊救而華妻某氏反說籬
 笆潛遁情已顯然據馮可會供羅八孟浪無妻又
 常嬉戲華家每聞炒鬧則羅八平日之日挑劉榮
 之強恨非一朝一夕可知已因姦婦既逃不忍並
 殺又欲借盜以掩姦名故垂斃之餘又復加衣細
 縛此譎計也但某氏姿貌頗陋而又堅不認姦銀
 鍊成之不惟不足服其心且詳玩律文夜入人家
 條內不言是盜是姦者蓋夜入人家業有取死之
 道必與辨盜辨姦恐奸人嘆口不惟竊人貲財又

且玷人名節故畧之也羅八之踪跡難名而劉榮
 之所犯已確應用無故入人家已就拘執而擅殺
 之律度輕重得平而情罪允乎矣

總之夜入人家已犯死條若與辨姦辨盜反增
 許多饒舌握定已就拘執斷之便已了當此說
 最是

○逼姦寡媳事

顏 諱 堯 揆

審得何大時之與何仁安初以戶役起事繼因魚
 塘角口時周氏曲護其子而又欲求勝其詞遂甘

不有其躬。控仁安以強姦。夫淫以色動。未聞芍藥可贈于鷄皮。而彤管宜貽于鶴髮也。今氏年踰知命。仁安亦將耳順矣。已覺眊眼。眊不堪窺穴。豈在龍鐘。憊骨尚爾踰牆。縱感悅不愁于世。吠詎求歡不避其子孫言之醜也。不可道也。大時以弱冠之年。而居然抱告是母之強姦。不必問而已之。不孝幾莫可逃矣。

其中罪案有定有不定者。律條具有明文而權衡于情法之輕重。又在。待獄。言之心非可

泥爲定例。故略之。

○姦殺慘變事

陳諱懋德

審得王先鈺一獄。初擬杖。繼改戍。又繼而改斬。已逢

恩恤減戍。而又改斬。益從來惡少姦淫之局。未有通人之婦。又毆其夫。若子。甚至掠其婦。并了其命。如先鈺之窮兇極橫者。不斬先鈺不快人意也。茲奉覆鞫先鈺兇狀罪案已盡。所欲參詳者。惟律意耳。查律威逼致死。止杖一百。因姦則坐斬。一律而輕

重懸絕者以威逼之姦即鄰于強也若和姦律註則云因有室母將姦親屬及本夫威逼致死而今之死即本婦律註所未備也瑣言又云若婦人與人通姦事發羞媿自盡則自作之孽與人何尤其姦者本和亦何威逼之有姦夫止坐姦罪不用威逼之律而今之本婦不但羞媿又係威逼與瑣言意又不符也蓋姦者逼則非和和則不逼之死而先鈺所犯出于常人情理之外則不得不再援別律別例以証之如強姦者絞姦出于強可恨更極矣而罪止于絞也如威逼人致死果有致命重傷殘廢篤疾而自盡者及致死一家二命與非一家但至三命以上者邊戍一家三命以上者邊永戍威逼人至致命殘廢二命三命兇橫亦極矣而罪止邊戍永戍也今本婦之姦既不可生以威逼其威逼者本婦之死耳覆閱改斬原案云鍾化龍歸家先鈺衝脫龍上樓林氏跪云饒我性命或賣或幽繫任其夫也化龍痛答之乃以告舉是痛答者本夫也及先鈺嘯黨揪化龍父子淤泥撞石剝拖

入蕭王廟時林氏見而慌奔下樓扯其夫先鈺等
同眾棍又扯拽之氏狼狽而返是先鈺眾棍當場
扯拽而未言毆也夫日化龍告府當晚氏知難免
服瀆而死是化龍告府而氏始服瀆也氏之死不
謂之先鈺威逼不可而亦不無羞媿自盡之情特
先鈺窮兇極惡出于常人情理之外故必處重刑
方快而律法情非銖銖衡較假若林氏守貞而先
鈺強污之以致其烈死則將何以罪之斬極刑也

邊戍戕死一等亦不可謂輕辟也故不容不細為

參詳若以此等兇犯而遽為開一面之網則尤未
能也又查得十六年奏准因姦威逼致死人犯務
要審有挾制窘辱情狀其死者無論本婦本夫父
母親屬姦夫亦以威逼擬斬若賣姦縱容而本婦
本夫媿迫自盡毋得槩坐因姦威逼之條此案挾
制窘辱媿迫自盡雖兼有之而本婦之死律註所
未備者則
新列已明備矣合如原擬招詳
人能斷律之所已載而不能斷律之所未載茲



獨于萬難措處中。求出一段律中之意。引明論。確入以重辟。而又不失之于過。千古而下。蕭公復得一知己矣。

憲斬敗倫事

龐 承寵

審得事莫重于犯倫法。莫嚴于姦佔。若范鍾者。其淫穢之罪狀。真上通于天者也。鍾之同祖弟范鏡。其妻俞氏。鏡固蚩蚩。而俞氏年少。性最淫。鍾誘之同居。因通姦焉。後遂踞為己有。猶恐人物色之也。未幾。鬻之陳宦之僕。不匝月而逃。又復投之莊生員。又復逃之。歸其投靠也。恃為藏身之地。其逃歸也。恣為刁姦之情。迨上年春王正月。逐鏡在外。傭保于武康。碍眼既去。兩情益歡。越歲。至今年六月。

之六鏡方自武康回而伊婦已懷妊欲孕矣七月
十七日此呱呱而泣者惡乎自來乎挈孩赤而藏
之伊妹范氏家者不昭昭在人耳目乎直至已經
告府事無可逃而此婦纔逝于錢璜家又轉送俞
龍家合之挈婦而赴府告投即龍也龍固氏之伯
少就養于家不減親父猶指掌其姦婦生子情事
如画至合族之義憤而共攻者無不欲食其肉寢
處其皮也此獠可一刻容于人世哉按以姦兄弟
妻之律的的樹紋不枉而俞氏姦檢兩載事敗一
朝律有並絞之條法無獨輕之典叱縱之大傷風
化而嚴之允振頽綱者也

魯侯衛公之事詩人刺之所以作新臺賦南山
也扶倫正化洵為不枉

○姦拐賣媚事

龐 謙 承寵

審得杭城稍販之風橫行無已也。蔣繼曾有妹三
 姐。幼先歸魯道。取為甥媳。力遣甥外遊。身自姦佔
 之。乃因室人交謫。轉鬻之。陸科向魯以四金得售
 于陸。則十四金也。陸科年老。伴此幼姦。老少不相
 得。此時卽擇一配。使為良家婦。亦不甚罪也。乃以
 八十金鬻之。平康為三姐者。倚門獻笑。於無錫數
 年。亦自分紅粉隊中。他鄉孤婦。永無見天日矣。天
 假之緣。有渭陽沈成。為木客撐簰。往來吳越間。探



得此耗報之繼會。繼會稱貸六十金。贖伊妹歸。于
是赴科之門。陳數載冤情。科懼事敗。反以枉詐控
府也。夫娶媳賣娼。律有明禁。貪此多金。無端使良
婦誤落風塵。三姐極陳烟花之苦。併當日賺賣之
情。指掌如畫。方謂青樓之賤。出頭何日。數百里之
遙。通耗何門。而舅氏傳情。伊兄取贖。十年來群玉
山頭。依然華門圭竇矣。爲此婦者。湊有天巧。造此
尊者。罪有餘辜。陸科依律城旦。但老而收贖。亦小
人之幸耳。至曾道之妄姦。陳思之硬証。不可不一
杖懲。陸科銜罪。李松伊婦力辯其誣。釋之。伊婦當
堂交兄擇配。其科八十年遠。迨其半還。繼會償
債可也。

女子一入烟花。便落坑塹。城旦何惜。老而收贖。
重懲之不爲過也。

雜犯類

○夥盜殺儒事

龐諱承寵

審得本府于陳起鳳一事深慨衙蠹之縱橫而斯
 文之盡喪也其故貧士聚徒資薪水而氣頗慙所
 居又委巷比屋無巨室高門稍稍抗其氣以凌之
 里中以是思得一間久矣適家危為逃僕所竊轉
 鬻揚某家易米一升五合此絕小事也邂逅遇之
 其生以二分銀為贖亦絕無可短長也且揚某亦
 絕無相角狀偶是日神會聚飲惡棍郭某素霸于

分文書

卷十

三

里又爲本府甲首。值某生贖犬時。乘醉逞兇。鋒便
一手扭秀才之胸。某生罵遂毆之。某生罵益厲。某
毆益重。某生日。汝府役也。詰旦當訴之府。某遂居
騎虎之勢。徧招里中之無賴。而楊某亦因此碎家
伙。以旨賴。此時一生孤注。群棍合謀。衆詈橫加。老
拳齊下。某生者勢不得自由。隨衆而擁至。轅門
所聚。至數百人。拍手高叫。而聲徹本院之門矣。迨
一夜之纍囚。便百端之凌辱。本府嘗虛心評此事。
杭之人好以盜傾人。若使逸犬撞獲。誣盜告官。或
以此觸里氏之怨。而某生不然。不過山居多賊贖
犬自防。有何不堪。而煩地方之義憤。某生亦貧。僦
室以居。有幾童僕。而稱數十人之蜂擁。只緣郭某
地棍。以平日睚眦之怨。乘機洩憤。瞋目語難。一夫
唱而群衆和。杭民性動。卽纖微事。俄頃聚衆數百。
亦其常態。有何足駭。本府不欲以本衙門之惡蠹。
造此風波。而又恨地方無端之舉。皆事所不平。而
法所不貸也。本府素不假易子矜。卽某生亦未悉
其生平。獨知此事之無干。而群棍之造計。方爲寬

生揭此覆盆耳。其生既有革去衣巾。送考定奪之。支本府亦不敢別求寬政。但此郭某楊某并呈首。張某不可不擬一罪。以抑市囂。以維體統。若郭某者。本府已枷責而革逐之矣。

當事能不屈護衙役。已屬良吏。竟枷責而革逐之。培植學校。多士吐氣。學校者公輔之資也。念斯文者幸留意焉。

○凌慢斯文事

徐諱開禧

看得士子授館。師嚴道尊。而脩脯之設。所以隆厥禮也。至于遠館。則梅風荷雨。暈鏡殘燈。都忘樂景。半嘗苦趣。東人相體。未有不敬事之。恐後者。黃侍泉者。一鄉間蠢牛也。漫說天路龍門。雅欲讀書課子。有子黃應圭。應壁延南昌生員喻日。登為師。而李芳春之子李必慶。亦附從焉。喻生儼開絳帳。宰靜書齋。居然吾師自任矣。而三子者。頑不依教。則未免夏楚從事。三子者。愈警然驚走也。侍泉與芳

春○一○味○護○短○反○謂○喻○生○扯○淡○而○日○常○誚○詈○已○大○不
 成○體○矣○在○三○子○驅○而○不○靈○莫○道○夜○雨○書○千○卷○在○喻
 生○婆○心○空○熱○只○歎○春○風○花○半○簾○遇○此○頑○徒○師○亦○無
 如○之○何○迨○十○一○月○間○喻○生○言○歸○而○原○議○十○四○兩○脩
 脯○竟○欲○賴○其○四○金○彼○喻○生○千○里○羈○覓○一○年○耕○舌○武
 陵○春○片○那○當○消○滅○如○許○耶○黃○侍○泉○李○芳○春○並○杖○以
 爲○慢○師○無○禮○者○戒○仍○着○照○數○禮○贈○喻○生○取○領

○勢抄事

李諱清

生員豐椿乃豐宦弟而余龍則管民願管民萃蒼
 頭也先因豐宦以贖基地事與管姓爲難迨經前
 廳明斷而東邊屬豐察已炳然乃管氏兩堆猶宛
 在也一朝豐氏貴顯想民願兄弟固未免有賢不
 肖相去之愧獨是爲豐宦者以有志竟成之丈夫
 而顧使他姓朽壤尙逼處故地則亦珠還劍合時
 所介介于閑藤未斷者也今豐宦致政歸里方傍
 其地築館而民願僕余龍輩口詈不已繼以手揮

夫以黃金橫腰之郡伯優游綠野其薄圭組而甘
 尊鱸者自以為于已無患與人無爭矣而顧有此
 輕薄兒輒以後進凌先輩且余龍趨走下賤耳敢
 逐吠乎今奉憲批後民願等方搏頰求哀而豐宦
 亦從沈紀兩官請置之不較擴其大度真足容民
 願十許輩而有不感愧交集者非夫也民願民萃
 既經和息姑免深究今而後登先隴而滋然流涕
 自切景升兒子之慚可也

○亟剪亂民事

陳請慈德

審得治亂民法宜用嚴然必求其情罪確當李思
 仁從歐大王等白日縱火延燒閩捨米麥等物卽
 置之重辟何辭第審是日始禍情景歐大王陸有
 利徐天壽等皆販徒無賴素雄鄉里而李思仁則
 碓石鎮之無知惡少也周鳳王學黃元輔皆鎮上
 米牙當米價湧貴飢民洶洶之時王學家有積米
 欲覓善價而周鳳亦欲攬糶于是歐大王等聞風
 鼓煽饑民始而平糶既而縱捨既而縱炬一倡百

和凡蚩蚩無知者。如李思仁輩。便爲其黨。非先有
號召期會而爲此舉者也。黃元輔自稱被火衆証
其未嘗被火。情誠可疑。但問元輔家距周鳳家幾
許。僉云相去八家。火燒至第七家。而元輔後隣管
戴二家亦燒。至元輔家。搬拆救免。夫同祿之焰。蔓
延甚烈。元輔家去鳳家僅八舍。輔何以知火燒鳳
屋。必不及自屋而授首。冠以引火之物乎。且衆供
蘆笆亦歐大王等臨時強搶。元輔對河賣蘆笆人
家者。過河從元輔門首起岸。暫放簷前。原非預遣
特舉隣怨。其不卽斥去。而周鳳直以同牙宿嫌。遂
苦執之耳。若黃富七旬聾叟。稱其宰牲聚衆。與黃
元輔八舍近隣。執其給炬焚蘆。總皆亂後風聞之
言。弓影之見。無柰首冠漏網。而發其憾于池魚者
也。衆稱放火。實係歐大王等。宜行縣嚴緝。正法務
在。必獲。李思仁無知助搶。仍擬刺配。柳責示懲。不
得以革前寬之。黃元輔坐視蘆笆在門。不能爲纓
冠之救。并薄杖以平衆怨。周鳳妄執洩憾。以被慘
禍。免究。招呈。

○刁棍賭毒事

陳懋德

審得謝棟與子謝時俊潛陽之橫民也。先年為謝
 欄執告毆侄闖嚷公堂。致問兩徒。謝棟又經憲訪
 審其威震窮鄉。惡傾山邑。大抵以告官府挾佐貳
 為第一。着問遣金華。而謝欄復為之證。于是棟父
 子思欲報復。而甘心于欄者非一日矣。此皆陳知
 縣未任先案也。四十四年。陳知縣蒞任後。謝棟屢
 從金華遁歸。強姦堂弟婦楊氏。被告強奪趙之德
 田。被告擾害地方。隣族被告。旋逃還衛。僅杖責其

于時俊而棟未正厥辜也。四寸七年九月初八日復歸。稱醫本所官妻病有效。給送官帶扁額里行。歛分相賀。于十月十九日。蒞戲。讌客有武康生員王永安者。向與陳知縣有文字交。携僮得祿來。潛叩謁。因其妻父識謝棟。而未識其家。道經伊親高金體。倩高僕引至棟家。得祿進報。棟趨出迎。時王永安以弟喪縞素。知謝棟家設賀筵。欲辭他往。棟詢生將謁縣為臨。叩重客也。乃取吉服與易。固留同讌。至晚客散。棟家距縣尚廿里許。卽下榻宿。王生乘間詳懇謝。欄諸惡蹟云。可惜清廉縣官為欄所玷。若深為致惋也。者至明日同進城。招搖市中所共見。廿一日王永安晉謁陳知縣。見蒙優禮。于是棟復以謝欄事激王生。聳令東達。王生猶在躊躇間。而棟促云。縣官既係你恩師。你不說知誰與說知者。王生纔廿齡。故未經事。一時膚懇情殷。感恩念重。而飛籤繫欄之書入矣。比陳知縣亦亮王生以風聞相愛。別無深疑也。陳知縣有子隨任讀書。曾問王生坊刻後場何部最好。生隨卽遂遺

送閱至十一月間陳知縣送考入省王生遣僮得
祿持後場投送見有謝欄惡帖誣及該縣趣報船
頭俞恩俞恩稟知陳知縣以見收三紙呈上詳閱
謗帖與王生書意頗類始不能無疑于王生矣歸
而跡其舊寓卽謝棟家也因而查其舊案卽謝欄
宿讐也夫匿名張謗法所不貸而語侵本官有關
名節且謝棟之交好王生邇恨謝欄俱有的據此
陳知縣所以通申也今庭鞫時王永安主僕備述
致書顛末止云一片熱腸總爲謝棟所悞卽謝棟
供稱十九晚酒闌因留宿謝欄慣行造謗不與賀
席在外聲言傾害乃迫懇諸王生至于縣官清正
配戍皆由先任何憾于縣官而謗之若以此番匿
謗坐棟則向時欄婿趙生員曾揭欄惡蹟多欵豈
亦出自棟使乎此則棟之辯詞也夫疑王生而懇
欄惡則投東根因旣確援欄婿以實欄罪與帖尾
語意亦符是其辯詞卽供狀矣雖不肯供造帖實
証而詞窮情露惟有叩頭認罪至代辯其子時俊
糊口湖州夫豈有父歸謙賀而子不在家者乎訊

之王生不能諱也。謝棟父子兩徒一戍窮竟不悛。借刀殺人奸惡異常。縣官清正雖螫口且為頌戴。推其意祇欲以陷宿讐而不虞其玷上官也。欲以洩私怨而不虞其漏公網也。卽坐以匿名之條。庶大快神人之憤。第非現獲終留老奸辯竇則戍犯屢逃。峻害有據。依挾制官府陷害良善之例。與時俊從父濟惡亦自有應得之罪。在豈容輕縱之乎。至生員王永安果係少年不諳為老奸所賣得祿。因主傳報亦無受賍實據。原情而開一面。招是天下之最奸惡者。莫如匿名謗帖一事。此種刁風斷宜速杜。至其間遣逃回復肆姦害尤為可恨。一戍兩徒最究既遠。庶官民可以安枕矣。

卷之七

○奇冤事

龍承寵

審得杭城奸宄叢集。楊畧公行若陳九思孫成等。一時而兩事並發。可異焉。九思即陳喬老奸巨蠹。積為拐騙之盟主。而孫成則過江流棍。投托九思為與窟。遂與梟黨俞九屠瑞等狼狽作奸。先是九思有一女于泰昌元年。贅方應龍為婿。得財禮銀二十二兩。琴瑟固無恙也。後應龍作客數年。九思謀之。俞九遂將女轉嫁與褚四為妻。烹銀二十兩。俞九得銀二兩餘。俱九思入已。尤口應龍久出不

台政全書

卷之七

四六

歸空幃抱怨。或有以致之也。蘇人王文携妻黃氏。操曲藝糊口于杭。孫成見其人孤子可噉。商同九思更料屠端等。擄黃氏藏于孫忠烈祠。恣行姦穢。已又轉鬻之。孫一得銀十二兩。王文萍梗天涯。顧影無儔。方苦天高難顛。適應龍從東土回。正見蠟。已在戶少婦去幃。方向九思索。陳氏乃九思卽與孫成申。迤合苟。改文妻黃氏作李氏。稱係孫宦婢。作菊花爲王文所擄。投方應龍窩。頓捏屠端爲之。張人反告。捕應龍。始應龍所以汲汲爲奇冤之。而王文亦繼之以疾呼也。本府拘審時。黨証硬口。堅執幾爲按劍已。而思孫宦越人。黃氏果真係彼家侍兒。安得爲吳語。心竊疑之。訊其由來。乃係沈忠之妻。忠死轉醮王文。媒妁婚書。鑿上可據。其非從過江。拐得甚明。若九思之女。贅龍卽九思亦不能諱。第云已有退婚書。付照驗之。無一見証。亦非應龍手筆。細訊里衍沈文張樹鴻等。咸稱九思慣行略賣。前已屢見爰書。此兩人者。妻被拐而反坐之。爲拐衆實。有口盡爲不平。異哉九思孫成。俞九

之惡真上通于天矣。罰昇鬼薪。尤有餘恨。仍于九
 思俞九名下。合追財禮銀二十兩。孫成名下追一
 十二兩。各入官屠瑞姑。以從惡杖。褚田孫一審不
 知情。免科。二妻給還原夫。聽其嫁。留可也。

○妖僧假尼

袁諱安道

審得王道成三吳亡命。優僕淫徒。倡白蓮以惑黔
 首。抹紅粉以亂朱顏。教祖沙門。本是登峴和尚。矯
 藏金屋。改爲入幕。觀音。袖玉笋。合掌禪床。孰辨爲
 尼。爲和脫金蓮。漫舒繡榻。馬知是女。是兒。譬之雀
 入鳳巢。偶合關雎之好。蛇歸龍穴。豈無雲雨之私。
 明月本無情。照孤幃而寡居。不寡清風。原有意入
 朱戶。而孤女不孤。廢其居。火其書。姑足以滅其跡。
 剖其心。剗其目。不足以盡其辜。引例治罪。左道何

辭論法盡刑至死何惜

○惡弟殺兄事

文諱翔鳳

張有庫草野之蚩民弗閑于尚齒之風而敢以諄唇侵其兄吹篴之誼謂何謹杖之以教讓

○截殺事

季諱振宜

舒某輕狂惡少禮義不嫻游女以看會為樂彼復以看游女為樂佯狂失檢致章某拳踢交加是自辱也章某不能閑家出妻見子以資途人笑柄亦豈人辱之哉厥罪維均厥杖無異

○勢抄事

趙諱滄

寺僧慧真所告益合兩事為一案而有藤難割者也先因鄞學魏生員曾讀書慧真所而案頭數卷忽歎亡羊魚蠹乎鼠嚙乎原屬烏有先生乎俱未可知何于書籍外更益以箱器等項控之鄞縣魏生過矣豈陳編果靈物有同鵝籠書生之善變自無而有者盡冀其虛往而實歸耶時儒釋兩家正相持不已復有黃寇自外來名曰解紛而實為構難聚三教而問于一堂誠千載希邁之事矣彼方

叔耀者賣藥羽流也青衿好貨已成錮疾既不能
出藥以療而益之毒焉可乎責償不服方就質于
訟庭更有踵魏生故武者此索書彼執券則同學
沈生員也夫沈生爲故宦李侍御壻而還俗智永
則慧真師也據沈生口供謂智永在寺日曾貸李
宦銀百兩以房抵借且出宦手書云代粧奩者果
若是則僧房固沈生物矣慧真一身猶屬假寓豈
得以所假者更假人乎及取李宦書閱之則贗筆
耳無論指天誓日爲智永稱僞者人百其口卽以
魏生之朝雞暮蛩曾作數年假館者何燕止識舊
而犬不吠新噫二生有同病矣恐難以僧舍爲秀
才之外府而欲兩和尚倒行布施也念係青衿姑
免究

○滅案廢祀事

方諱亨咸

審得陳氏祭田七十畝輪收管祀歷有年所祖訓
昭然雖逆子頑孫百世不能變也顧有老悖生員
陳之乙必欲私踞二十畝以厭貪饕置前人垂戒
于勿問不思顛毛種種如寒爐煨燼數鐘漏曾幾

何時生有限而死無窮若敖無嗣將依竟鬼于祖
宗血食之餘奈何不為異日一盂一豆計乎陳阿
黃雖未亡人一日為陳氏婦則一日執大義以伸
宗祀之不可泯照舊輪管辦祭佃戶人等不得以
私和交結之乙茂祖應罰姑念貧老免供

○發塚大變事

李諱嗣京

風水之說最足惑人而江省為甚彭昌孔葬父于
祖旁復以餘地為生壙逼近彭昌寧之母墓而昌
寧爭鬪開矣乘其歸窆之際率眾阻之實欺昌孔
之無能為也何至遷怒于伯祖之骨伐塚毀屍沉
之流水忍心哉使非壙前遺骸以露其跡閨中私
語以洩其機則燐光暗野寒聲泣波世皇長恨悠
悠矣死者之頭顱既出諸塘生者之頭顱宜膏乎
斧今乃知所爭非吉壤也噬臍何及

海正全書 卷一

○偷葬大害事

李諱嗣京

審得石門秀地埋葬仙骸一境風水攸關而雷茂林卜葬孫氏逼處仙穴雖真人羽化不顧皮囊倘其華表歸來不無難保百年之憾歟嚴着遷葬庶使紅粉青燐不混金爐法耀地

○占擄殺命事

徐諱開禧

審得艾臣材始祖艾天曉洪武年間隨母李氏改嫁雷思顯始祖雷通伯續生子三人雷才賢才廣才書已而通伯見天曉長成遂與婚配尋亦歸宗訖後通伯物故伊子三人卜葬于上平山續李氏卒隨葬于雷通伯墳後砌立石塚維時天曉念繼父恩養情篤歲時伏臘隨班掛祭厥後子孫皆以為常此情也亡何歷世既遠而艾子姓日益強其狡者輒以隨班掛祭為可恥續因圖度風水妄意

文全書 卷一 五二

謀佔而訟端興矣。嘉靖三十八年。李孫媳王氏身故。附葬于姑石墳後。時艾族無良者。輒誣雷氏盜葬。先經費知縣勘實。地係雷業。念構爭不已。曲爲調停。斷聽兩姓掛祭。自並祭之。斷出。而年復一年。艾竟作爲實譜。到今七十餘年。臣材復起。爨端告道。告縣職。弔閱前卷事經。三百載。案凡閱四斷。且現奉。本道詳允。宜無後言。臣材復又控。憲批。府刑廳。雷思顯。又添情告。憲提審。臣材狠稱天曉。葬石墳。夫天曉當通伯之世。已經歸宗。安得妓後復竄入雷墓。材又混稱李氏一穴爲天曉地。然則李氏遂無死所乎。則又浪說王氏一穴爲李氏地。且以艾自卜葬。夫禮不喪出母。李氏生旣嫁雷。決無死仍歸艾。且李氏嫁雷後。所生三子。森森上平山。李氏一墳的係雷地。自葬雷母。因而其孫媳王氏亦得附葬。詳情察理。確然不爽。又查雷氏正德十一年間。曾與王彥時許告盜葬。立有還帖。可証爾時絕無一艾姓來爭者。此山斷係雷家卜地無疑也。乃職又設一難。卽令石墳果係艾天曉葬。

穴○或○亦○當○年○天○曉○隨○嫁○在○雷○不○無○血○母○繼○父○之○情○
 而○雷○氏○互○相○親○愛○許○其○附○葬○此○則○雷○推○情○讓○地○而○
 今○艾○遂○欲○混○譜○作○案○無○論○通○伯○泉○壤○不○甘○即○天○曉○
 有○知○目○其○能○瞋○乎○再○四○折○之○而○臣○材○又○痛○哭○堅○稱○
 願○死○開○棺○以○認○祖○墓○嗚○嗚○可○駭○夫○開○棺○見○屍○無○論○
 凡○人○子○孫○俱○干○重○辟○使○非○有○故○而○依○禮○遷○葬○律○尤○
 不○許○臣○材○愚○且○悍○必○欲○開○棺○發○驗○若○論○開○棺○二○字○
 不○必○論○此○墓○地○的○係○雷○墓○假○令○委○是○艾○天○曉○在○上○
 迄○今○三○百○年○相○傳○數○十○代○是○不○惟○地○鄰○中○見○久○歸○
 泉○下○即○臣○材○通○族○戶○老○有○欲○為○臣○材○認○辯○其○祖○者○
 誰○可○問○耶○况○歷○年○最○久○安○知○人○木○不○化○而○為○灰○塵○
 蕩○烟○尚○可○發○而○視○乎○此○萬○萬○不○可○聽○不○忍○聽○也○細○
 察○本○犯○初○心○原○不○為○今○日○爭○特○為○前○斷○並○許○雷○艾○
 掛○祭○遂○欲○借○此○刁○訟○為○異○日○子○孫○盜○葬○張○本○抑○其○
 黠○者○借○此○凶○脅○雷○族○希○有○所○以○處○分○耳○即○不○然○者○
 必○是○歷○斷○久○輪○刁○訟○不○已○明○知○是○雷○祖○穴○而○故○欲○
 開○棺○發○屍○以○洩○其○憤○也○詞○稱○火○焚○水○洗○民○雖○愚○蠢○
 忍○至○此○乎○似○此○喪○心○鬼○頑○允○應○割○斷○牽○纏○第○查○各○

案仍照舊聽令掛祭以後添葬則斷斷法不容也
艾臣材杖治招詳

○霹靂究骸事

徐諱開禧

審得黃鍾曾有故祖婆墓久葬荷木山累累里許
皆黃塚也僧海惠故以襄陽守禦軍陡思學道棄
妻入山妻隨割髮為尼矣虎頭健兒坐消空王冷
篆蟬鬢少婦回向蕭寺寒烟非獨海惠能出迷陣
其妻亦悔教征戍也無何妻病亡有鄧才餘不合
于黃唆使海惠將伊故妻葬在黃氏墓近處據查
地在蕉葉塘要不離三里之內黃實多塚嫌其逼
處而黃馬哥且借祖穴為詐局以致鍾曾稟哨稟

○ 樞旋呈堂也○ 飄然一衲已勾夫婦之愛○ 曷不破生○ 死之關○ 夫百年身與百年墳○ 總幻相耳○ 惟是深岩○ 曠野○ 衰草○ 白楊○ 城裏○ 歌鍾○ 山頭○ 松栢○ 死亦隨緣○ 生○ 可安分○ 即使乞鍾曾墓旁撮壤安頓一孤僧淨尼○ 此亦人間方便也○ 况據曾世舟口稱陰陽並無碍○ 耶合斷海惠出醮謝銀三兩○ 給付黃鍾曾取領○ 其○ 葬地仍照舊鄧才餘之唆使黃馬哥之幫訟各宜○ 薄杖○

○ 憲誅大變事

龐請承寵

○ 審得徐良五者○ 丹陽流棍○ 寓此生理家頗溫○ 與周○ 氏之夫徐秀來自金沙同鄉相認秀于昨歲故遺○ 妻周氏與子徐資賢資啓併一女飄泊不得歸○ 良○ 五見其女已長可取以克床第屢浼賀文聰作合○ 而周氏弗之許也○ 七月十六日突同文聰併伊僕○ 若而人口稱資賢為盜竟闖其室擁樓扛捉其女○ 欲去周氏皇急號救甲躋陳正陳可等共集良五○ 不得已舍女而去○ 後以掠女不成又于八月十一

聚眾打毀其房屋器皿不堪此大變之詞激而上
控也○良五尚執周氏夫死不歸故鄉○旅嬰暴路為
罪案是也○然豈鄉人掠去其女○反可慰旅魂于地
下○耶○訊賀文聰自稱在傍解勸終莫掩其助惡之
實○幸槍而未成○可免重辟○兩人姑付杖警在良五
尤請加責○柳示以為橫行之戒○餘黨尚繁有人姑
免株連○

○覆審前事

龍 謹 承 寵

覆審得徐良五一案○其捨女毀室之狀○前詳略具
特投鼠多忌○故薄擬元兇而余一筆抹殺之所全
者多矣○今蒙憲駁再將情事一數焉○周氏之夫
徐仲秀自幼來自金沙○贅于杭之周○周氏者杭人
也○無子止一女○其子徐資賢資啓乃嫡侄○伊父幼
螺負焉○若也○周氏以點翠為生○過遊巨室○良五窺
其色未落○屢屢將穿珠誘之○給至家○強姦不從○且
因而罵詈之○良五之欲難遏而隙益開矣○特緣新

寡無辭聲言娶女爲妾因女而隱佔其母恰合本
懷商之賀文聰文聰者麪店中之同夥也故深托
交焉文聰作合無功知宦僕有徐珏雖丹陽人然
同鄉且同鄉併有勢可倚于是良五使珏執牛耳
糾衆銀鹿入室搶女不得便捏死仲秀爲弟兄拈
一正大題目而謂嫠婦孤女穢流中箠不歸且益
之耻此亦何証何據而必欲扶柩還故鄉噫維桑
之誼則厚已但查秀死于天啓元年七未終卽葬
之上扇三齒數年來墓木將拱有守墓人董泉可
質也至女年已十八將及笄特周氏止此女二子
非其所自出將托以終身焉多方擇婿東床無坦
腹之人故愆期至今此情此意有心者共憐良五
年踰四旬無子一妻二妾周氏不欲以其女爭妍
于廣置妾媵之家故遲留不允人各有女女各有
父母之命誰則強之而必欲于母同入後宮齊充
床第于以娛心志悅耳目得矣其如不顧何且仲
秀族之在金沙者已無人周氏又杭婦也輕棄父
母之邦入不相習之地非其所欲今欲使之扶柩

還鄉將棄現在墳墓而獨自歸于柳啓地下之骨
而挈之歸乎不過爭此子母兩人無端幻出議論
謂旅窳無依則一杯之土已乾有何暴露而煩
同鄉之繫念如謂徐珏脊令誼篤則秀與珏一係
人奴一營生理有何巨姓而族聯兩邑之遠吁淫
風可煽天道難欺孤寡可凌神目難掩瞞此寸靈
撓此三尺以成莫須有之獄本府斷斷不能也情
事不妨再申罪則加招覆奪

淫心惡膽橫豎于中甚至姦捨並施肆行無忌

讀龐公斷庶幾大快人心

○得兵抄孤事


張諱一魁

審得妓女張玉向揭楊美吾本銀貳拾肆兩歲久
無償徵逋甚急有朱升明者浪跡風塵與玉偶結
繾綣憐其追呼之迫而卽毅然任之雖云千金買
笑亦自顧其力量何如耳且認銀徒託空言卒無
所與既立召約則債主楊美吾不得不向欽明追
楚他日玉得托身自當效銜珠之報若終老烟花
則升明此豪舉亦不失爲平康佳話有誰強之而

以鄙瑣之事。妄行止控。或亦乘興而任。興盡而

○憲判黑冤事 李諱心水

姚五聚姚五緯相爭一案。皆因父死之胎禍。來生子之操戈者也。五聚為已。故姚大化嫡子。五緯則其庶子耳。此子雖小。後自能得。豈大化真有知子之明。何厚嫡薄庶者。竟有四六標分之亂。命乎。若為五聚者。果明而熟于計。當付是言于飄風。而兄弟相忘。自作止水之平可耳。乃父命為尊。一語伯夷。以此讓國。五聚以此爭家。可乎。且食果取小。弟分固然。而非曰兄之必宜取大也。乃前府審斷時。忽于五聚名下。追銀二千兩。給五緯。是反瘦兄而肥其弟矣。况繫五聚于獄。以致身受箠楚于五緯。安乎。爭皮毛而傷骨肉。無乃太不祥歟。該縣對酌其間。令五緯吐銀五百兩。還楚弓。而完趙璧。謂兩得其平矣。合照縣擬。以杜爭端。若今案已定。而復有操戈尋釁者乎。行見兩分奸家。貨並歸烏有。變素封而為乞丐。此一定之理。必然之勢也。則請



兩人者各儲一鉢以待

爭家財者未有不同歸于盡者也。人非不知而世俗之迷惑者甚衆，殊不可解。重錢財而輕骨肉，世風之偷薄如此。拈此以為一勸。

○假印殃民事

倪謙長珩

審得房榮乃靖安縣革役常兵，稔熟衙門者也。有建昌案盜彭勝六勝七逃匿靖安，因行關提縣差徐正績差徐貴張華俱未挈獲，榮恨勝六曾竊其母舅之猪，欲探虎穴以見功，遂自標殊票一張，仍寫徐正名而以已副之。又將紫石雕本縣印文鈐蓋持票行拘，至陽河遇王太催糧回拉之，偕往繼以票為黃主簿所發，太信為真而勝六勝七果就擒矣。盜威熊月七認是偽票，當即收藏。今年二月十六日首縣驗明，將榮監禁。方在根究，適三月廿四日，余仕伍趣余五五遷居五五，不從仕伍忿揭房瓦椽上之石篆宛然也。縣訊五五供其妻閔氏與榮通五五住樓下，榮居樓上，閔氏幼女蘭秀親見持石在手，此証之最確者。榮復核無異，甘心伏

辜此供之最實者。駁查惟致詳于五五夥奸。王太
朋詐。今反覆推求。若五五知情。偽篆應貯之笥中
矣。何以榮自置椽上。非懼他人知見乎。其同居不
同謀。可知。若榮果騙財。宜得財縱放。而勝六勝七
何以並執送官。二兩八錢之贓。榮尚誣為懸坐。又
安從及太耶。當日同行實緣。偶值且謂擒盜。可邀
上賞耳。固知天之巧于敗奸也。假票先紮其身。俾
無脫網。假印旋出其屋。更無展詞。蚤露或縱之。逋
逃需遲。則投之水火。而犯與証。奏候與事符尤異。
若毀瓦之人。卽發覆之人。不然。梁間卷石。其誰見
之。非人也。天也。乃榮猶辨質為木石。文係描摹。行
使初無幾時。擒捕又屬真盜。似有例可引。其如新
條之罔赦。何亦難徑為求生矣。合仍論斬。王太橈
杖彭勝六聽縣案另詳。

欲擒盜而刻假印。不知盜雖擒而身亦陷大辟。
所謂食砒霜藥老虎信然。

○忤殺事

南昌李諱清
司李李諱清
審得婦人之善妬也。皆以妬生聞。而今忽以妬死。

者○則○李○文○繼○妻○藍○氏○是○夫○文○前○妻○趙○氏○姪○順○惜○中
 死○耳○藍○氏○庭○謁○舅○姑○後○命○謁○趙○氏○亡○靈○則○矯○首○而
 不○拜○且○出○詬○詈○之○詞○嗟○乎○趙○氏○往○矣○未○聞○陽○世○之
 寵○幸○移○入○夜○臺○卽○日○妬○為○恆○情○當○為○將○來○之○婢○妾
 計○耳○不○干○來○者○是○拒○而○為○往○者○之○追○亦○太○苛○矣○乃
 今○節○屆○清○明○群○奠○亡○靈○獨○擯○出○趙○氏○之○靈○使○不○得
 與○于○受○享○之○列○爭○之○不○足○繼○以○咆○吟○甚○至○誶○舅○姑
 董○夫○婿○又○甚○至○拋○其○三○月○之○子○于○地○毆○擊○踐○踏○以
 洩○毒○憤○悍○哉○放○而○不○祀○是○女○中○之○葛○伯○也○故○隣○里
 有○忤○殺○之○控○亦○日○為○其○殺○是○董○子○而○征○之○猶○幸○此
 子○為○妬○婦○子○而○前○妻○未○有○遺○雛○若○以○趙○氏○一○塊○肉
 而○遇○此○藍○面○鬼○其○吞○咀○又○作○何○如○狀○合○令○舅○姑○執
 杖○痛○加○箠○楚○于○公○庭○乃○杖○贖○以○徹○其○後
 妬○前○妻○而○詬○及○舅○姑○不○特○妬○且○不○孝○矣○念○其○有
 子○杖○警○可○耳○不○然○出○之○差○足○快○心
 ○丞○剪○事
 孫○諱○魯
 審○得○成○獻○捷○者○乃○被○黜○青○衿○成○冬○其○族○叔○也○先○因
 冬○以○猶○子○之○親○曾○執○經○問○字○于○獻○捷○今○歲○縣○錄○儒

童獻捷騙銀五兩謂將爲冬求情地其取乎則出而哇之名遺而銀不還此弟子所以耻受命于先師也尤可耻者逆慮冬之索銀疊至思爲先發制人忽以老妻証姦于幼侄而控之公庭夫所謂強姦者豈非知好色則慕少艾乎今據獻捷口供其妻已五十餘矣若云強姦是實須雞皮之返少可耳恐未必有神術也合杖治之以爲不叔不師不夫者之戒其原銀五兩應追給成冬今而後請存叔侄之分而削師弟之稱庶不令斯文之掃地也

○虛節奇冤事

翁諱應兆

審得已故婦王氏係已故民吳應鳳妻也氏適應鳳以青年寡其苦有三無夫苦無子苦無憐生惜死之親姑又苦所存止一翁又不近人情之吳學禮也姑親猶可以衷訴翁尊獨難以言傳妻復妻妻有泣然飲泣耳况學禮不爲亡兒立後反爲已立後以壯年有室之猶子應龍當之夫使翁遠于情而叔近于義猶相安也詎意又不然是此婦昔苦無夫無子無姑者而今又增一苦爲有叔矣

應龍欺其伶僂。朝夕詬誶不已。夫寡婦孤兒之受欺。慘矣。况又無孤兒之寡婦乎。起龍以虐節告情也。然王氏處此。則甚難。咎翁不孝。咎叔不義。咎兄又不弟。而况一室之內。或疑氏授意于兄。或誣兄有私于妹。不獨翁嗔叔嗔。即妯娌亦嗔。皆促氏殞命之羅刹也。烏能免于自縊。傷哉此婦。無殉夫之高名。亦無從人之卑行。而獨以苦節致奇。致鼠思泣血。而不得其死。此論者悲其遭痛。其志而急欲代白其情也。彼學禮應龍。不愴然悔恨。而反以吟死圖詐。為起龍誣。無乃太不情乎。嗚呼。此氏所以死也。合杖治應龍。仍以應龍子子應鳳奉王氏祀。若有兒矣。靈其享諸。

○謀夫逐子事

陳諱函輝

看得何氏前夫彭榮。係南昌皂隸。崇禎元年物故。二年改嫁鄭南星。業四載于茲矣。不知何人捏本。婦名上控。稱南星毒夫謀娶。而南昌縣先奉批詞。又以彭榮出名稱南星。姦妻擄財。夫夜臺之外。久無生榮。而訟牒之中。儼然活口。顛倒死生。玩弄法

紀明明投匿○擾害良民○研審隣人王文等云○何氏
既無父母兄弟素與南星相安居室亦無反目之
事○無端起噴影之沙○白晝現黎丘之鬼○惜無從得
此神棍而斃之○以作匿名榜樣耳○兩詞俱幻○合請
註銷○

○查獲通海人犯事

李諱心水

審得孫十一者○乃台之松門衛丁○而居寧開飯店
者也○夫借店糊口者○每逢客過○則質囊群招○其舉
動○猶倚門效耳○獨思海警戒嚴○而賓至必擇暫且
竹進門之吠犬○此亦十一所宜為意外之防也○

何以通逆之游坤陽輩○而亦主于其家○以此累及
十一○詎非林魚之殃○但閱鄞縣招詞云○樓中了無
長物○惟數客徘徊樓畔○今召十一面詰與縣審略
同○夫十一隨父寄寧已廿五載○想自丘之歸○當指
寧○不指台○何樂乎勾引外賊○以殘墳墓而毀廬井
也○若云來歷不詢○謬主匪人○則以一載囹圄之苦
償○一日居停之譴○十一之罪止此矣○合無依鄞縣
所擬從輕改杖○今而後過我門而不入我室○十一

無憾焉且標而出諸大門之外矣

○察究事

趙諱最

審得府役陳俊等之報怨辱令也。以上下兩字橫
巨胸中而因以決上下之防者也。當陳俊方順手
握郡牌昂然下縣其目中固已氣吞雲夢矣。獨不
日星橫午夜非追呼之時。鳴柝山城非叫囂之地。
乎况寇警震隣嚴關戒肅而肆酒排闥不即痛懲。
何以固城池而弭奸宄。此門禁夜呼一申卑職正

以此覘該令之風力而不意竟以此櫻若曹之鋒
藟也以為吾上役也乃為下吏所撻則向後之成
損矣。于是令方修調而俊等即修怨嘈然以譁者
俊等怒也。灘然四奔者縣役竄也。漂然流血者寧
役雷震被歐也。孑然延佇者于令之無與無從而
逗遛賓館也。以此言變變莫大焉。以此言辱辱莫
甚焉。而要以陳俊方順倡之葉美等佐之。賴魁復
從而慫慂之。此不特閭隸吳松當下目擊即俊等
口供亦和盤托出矣。陳俊方順挾怨辱官合擬城
旦葉美余三陳憲攘臂助陣合與從中教舞之賴

魁借以行票之藍榮分別杖治

上役下縣其目中何嘗有官長哉下司受其凌
燼香聲忍氣莫可誰何所在皆然今獨鞭之槌
之暢甚快甚

○妖僧惑眾等事

王諱階

審得妖僧某者由異域入中國因其自名羅漢愚
天不察遂儼然以羅漢事之更可異者以男子而
作婦音不但真偽不分亦且雌雄莫辨侈口造訛

同上惑眾當此

功令森嚴之日乃敢窩隱逃人招携無藉聲言欲往

朝南海到處索兵護送于是兵仗森然儼若滿州

一貴介矣道路傳訛之口不但尊為羅漢又且目
為皇姑始知女音之作初非無故而然也若非撫

憲參掣拔以國法將來為崇為毒正不知作何

底止豈肯僅以羅漢終其漢哉茲奉

明旨嚴究刑詢之下始吐真言聽言語則滿口漢音

問照身並無一字佛氏之真詮未解山鬼之伎倆
全無其所恃以惑眾者惟此一種似男非男似女

突

非○女○之○妖○態○耳○愚○民○惑○衆○千○吠○一○音○甚○至○舍○身○護○
 從○者○幾○同○歸○市○詎○非○咄○咄○怪○事○哉○其○隨○從○之○某○某○
 供○係○某○旗○下○逃○人○由○是○推○之○是○以○一○妖○僧○而○匿○三○
 逃○人○矣○左○道○不○足○繼○之○以○隱○匿○東○人○且○一○匿○不○已○
 至○再○再○匿○不○已○而○至○三○是○何○其○撲○火○如○蛾○而○走○死○
 若○鶯○也○今○以○一○身○難○生○數○辟○姑○以○妖○言○惑○衆○擬○斬○
 某○某○等○各○按○不○應○先○逃○解○歸○本○旗○不○到○某○嚴○緝○另○
 結○

妖僧惑衆自足動人以男僧而作女音其傷風
 敗化有不堪言者天下安得容此孽畜

○發審事

胡諱昇猷

審○得○袁○文○甫○者○大○盜○袁○三○狗○之○弟○訪○蠹○嚴○學○曾○之○
 婿○也○其○所○以○武○斷○一○方○使○人○不○敢○櫻○其○鋒○者○恃○有○
 兩○禱○杌○在○耳○需○求○富○人○而○不○得○則○通○盜○兄○使○劫○之○
 指○使○貧○民○而○不○聽○則○唆○蠹○兵○使○害○之○試○問○鄉○間○之○
 間○富○民○不○畏○劫○而○貧○民○不○畏○告○者○誰○哉○于○是○乎○文○
 甫○之○居○鄉○遂○無○不○行○之○令○矣○然○此○猶○謂○豺○狼○當○道○
 之○時○正○其○張○牙○舞○爪○之○日○迨○兄○既○犯○而○岳○既○訪○皮○

之不存○毛將安附○卽遠竄他方○猶慮風波之及○柰
何○慙不畏死○猶視奇禍爲福○欲壘斷于訪盜之間○
哉○擇民之可食者○非峻岳被賊○則令兄板盜○使人
奔命不遑○何怪乎抱牘紛紛○咸向烏臺乞命也○茲
審云○云証旣滿○庭賊亦累白○按以新法投畀何辭○
由此觀之○其不凶之避而爲網之觸者○蓋天厭其
毒○若或止之以明彰瘡之不謬耳○

○虎踞滅倫事

胡謫昇猷

審得丘天民者○已故朱君房之婿也○先因君房無
嗣○曾以庶女妻天民○雖設甥館○以待然至○則下榻
去○則懸之○未聞嘗館其甥于貳室也○迨君房物故○
天民熱中其產○遂携妻挈子而家焉○不思君房雖
死○其小星之遺孕尚在○天民能必其無後乎○據云
岳父在時○曾有以耳房代奩之語○若是則君房在
日○胡不同居○直待死其死矣○而忽爲他人入室○其
誰信之○况索一字之憑而不得也○嗚呼○誕矣○今據
胡氏之控○實爲有情○而天民之訴○亦不忍遽爲抹
殺○請以三月爲期○視胡氏所誕之雌雄○爲天民所

爭○之○得○失○為○男○乎○則○子○承○父○業○非○其○類○者○急○鋤○而○
去○之○為○女○乎○則○已○嫁○方○生○均○有○半○子○之○義○合○二○女○
為○一○男○分○一○宅○為○兩○院○亦○情○理○之○至○平○者○也○各○宜○
靜○聽○無○事○嘵○嘵○

無○曲○無○偏○情○理○允○當○第○天○民○誕○財○有○日○其○蓄○心○
必○不○良○使○胡○氏○而○產○女○尚○恐○難○安○設○也○生○男○寧○
得○其○無○毒○謀○之○肆○乎○待○此○輩○不○可○不○計○深○慮○遠○
也○

○燒銀劫銀事

徐謙

審○得○燒○丹○之○說○蓋○使○于○貪○成○于○痴○兩○念○結○纏○
如○驚○即○行○其○教○者○未○可○以○說○不○貪○不○痴○之○人○也○毛○
西○來○者○忽○稱○秦○中○忽○稱○江○右○飄○跡○如○蓬○懸○河○在○舌○
彼○自○詫○有○丹○頭○直○欲○窺○朱○門○華○屋○間○里○巷○織○音○未○
足○以○訖○厥○志○也○西○來○在○衡○固○是○其○術○應○敗○時○王○府○
招○之○中○止○一○二○貴○家○招○之○中○止○徘徊○繭○寺○意○無○如○
何○左○良○中○要○同○李○茂○梁○之○挺○一○過○而○問○焉○良○中○遽○
投○念○金○鑑○本○屬○其○止○就○用○物○太○少○期○效○偏○太○速○西○

來殊不為意。良中遂呼罵。謂敗乃事矣。執而赴。府其燒銀劫銀四字。自是若輩千古定評。但劫良中者殊不多。而在中初意亦正不知作幾許想頭耳。原無橫金怡玉之。未許靈丹欲就。妄託點文。鑄武之鼎。何為不。終枯火氣。潮消遂拋。中人十金之產。燼頭梗斷。誰傳高士九度之真。彼夫碧天無霧。綠水不風。片光電燧。翠氛日燭者。伊何人哉。以西來視之。何如也。應將西來與左良中並杖。為貪。如音戒。仍量。追出銀十兩。奏付囚犯。作煮粥之資。亦是靈丹一粒也。

○質畫欺騙

徐諱開禧

審得王華宇善為質者。衡湘山水幽奇。浩遠洞。以南瀟湘以北。南嶽九嶷。遙相對峙。果是連水。雲備極大觀。而欲求一能畫家。則未之見也。豈其真者不傳耶。華宇係荊州人。攜帶湘中八景圖。稱沈石田真筆。質當朱章。得銀二十兩。有吳人張清之一見。云是贗物。章恠而來。質本縣。非賞鑒家。細看各圖。雖非石田之蹟。亦是臨摹妙手。湘中得此。

等○付○染○紬○布○等○物○不○下○五○十○餘○家○失○單○可○按○而○醜
苟○等○卽○以○所○劫○紬○布○與○韓○三○各○家○質○酒○易○米○換○錢
償○債○乃○韓○三○等○則○俞○勤○排○鄰○顧○新○朱○義○執○稱○平○昔
安○分○是○韓○三○等○必○與○俞○勤○新○義○皆○鄰○識○也○劫○鄰○家
付○染○之○物○卽○與○鄰○家○貿易○絕○無○改○變○而○鄰○家○不○疑
各○盜○無○慮○此○不○可○解○者○二○矣○謀○人○滅○口○此○秘○事○乃
誘○大○忠○于○本○鎮○演○戲○稠○人○集○觀○之○時○一○擊○而○喊○一
喊○而○排○鄰○集○至○以○致○速○敗○此○不○可○解○者○三○矣○陳○大
忠○一○目○懦○夫○醜○苟○小○苟○各○帶○鉄○片○又○有○吳○紳○蔣○二
埋○伏○以○四○兇○制○一○懦○何○難○設○計○了○命○乃○僅○向○手○臂
不○緊○要○之○處○砍○打○一○下○排○鄰○來○救○卽○逃○此○不○可○解
者○四○矣○據○排○鄰○顧○新○等○呈○陳○瞎○子○口○稱○沈○苟○吳○三
醜○苟○張○六○蔣○二○餘○不○識○認○騙○他○吃○酒○看○戲○扛○至○失
主○俞○勤○門○首○要○將○大○忠○打○死○刑○害○俞○勤○夫○招○開○謀
殺○大○忠○者○醜○苟○四○犯○而○呈○中○口○稱○者○四○犯○內○張○六
之○名○不○對○四○犯○外○不○識○之○夥○尚○多○既○與○招○矛○盾○且
騙○扛○至○俞○勤○門○首○要○打○死○刑○害○俞○勤○是○要○打○死○人
而○先○向○其○人○說○明○要○刑○害○俞○勤○而○亦○向○謀○死○人○說

明○有○是○情○乎○既○與○說○明○又○何○必○用○吃○酒○看○戲○騙○他○
乎○此○不○可○解○者○五○矣○醜○苟○等○因○兩○縣○緝○急○計○死○大○
忠○于○勤○門○首○將○人○命○訟○勤○以○緩○追○緝○是○揣摩○賊○智○
可○謂○狡○矣○然○使○大○忠○果○死○勤○門○並○無○交○手○並○無○見○
証○彼○被○緝○之○盜○敢○出○頭○訟○人○命○乎○即○使○訟○失○主○人○
命○而○兩○縣○奉○檄○捕○緝○急○者○自○急○諸○盜○能○以○別○情○緩○
之○乎○狡○者○計○乃○出○此○乎○此○不○可○解○者○六○矣○打○折○排○
鄰○朱○錫○左○臂○從○未○告○驗○且○朱○錫○列○名○地○方○公○呈○呈○
中○並○不○言○傷○之○一○字○此○不○可○解○者○七○矣○吳○欽○以○吳○

春名首稱衆將贓物拿到破石東山下潭內燒

而招追緝布衣裙皆起自酒肉米豆各店家既在
獲盜後首情節絕不相符本犯云前之燬贓出于
逼首以証盜後之起贓出于買認以實盜得毋然
乎此不可解者八矣醜苟等計殺大忠不取活口
既露驚踪必當遠竄乃隨供隨獲五盜一舟并起
上盜鎗棍粉布夫緇布衣裙皆事主易認之贓徧
盡散于店家而鎗棍粉布爲竄盜無用之物尚常
留于身伴且陳大忠直欲殺之以滅口而塗面粉

火○布○紙○獨○不○棄○之○以○滅○跡○此○不○可○解○者○九○矣○劫○命○
 勤○出○救○者○顧○新○朱○義○也○謀○陳○大○忠○出○救○者○即○顧○新○
 朱○義○也○破○石○為○海○寧○地○方○不○呈○送○于○本○縣○而○呈○送○
 于○隔○縣○者○亦○顧○新○朱○義○也○何○適○奏○遇○也○瞎○子○看○戲○
 迨○奉○院○駁○而○始○有○左○損○右○明○之○審○然○據○其○父○陳○
 清○口○供○耳○陳○大○忠○雙○眸○未○到○官○一○驗○也○盜○案○定○于○
 大○忠○之○口○何○竟○避○匿○也○此○不○可○解○者○十○矣○反○覆○初○
 案○實○有○此○種○種○疑○情○未○經○勘○破○而○何○怪○醜○苟○等○之○

呼冤迫切乎今本提審據縣覆陳大忠已與失主
 俱故而掛鄰顧新亦稱久病止有兩犯啾啾懇為

顧○新○因○奸○織○陷○耳○或○請○批○該○縣○就○近○覆○查○顧○新○果○
 否○久○病○亦○足○參○照○其○情○虛○實○而○更○採○之○與○評○以○決○
 此○案○可○也○此○獄○的○有○覆○益○隱○情○速○應○開○釋○恐○遲○則○
 又○為○許○二○之○續○

久○定○盜○招○能○立○破○從○前○疑○竇○雖○包○公○見○此○當○亦○
 首○肯○矣○

刑部全書 卷十

○誣盜事

龐 承寵

審得王二等經錢塘縣初審謂王二沈三范五王文施陳二同竊俞本清趙明鉉兩家王二又與施陳二強劫孫禮家以火光中認實王二枝指為據遂斬而配沈三范五王文施陳二此一說也及駁仁和覆審謂本清明鉉家兩番祛篋是實而孫禮家之強劫無干改將王二等五人並界城旦此又一說也今本府從而覆按之事莫甚于強劫法莫重于斬刑孫禮之被劫是真果王二等為之詐

台政全書

卷十

七

容舍重而從輕。既爲兇人解網。然查本清之竊。在
五月初六。明鉉之竊。在六月二十五。而孫禮之劫。
在六月二十七。其時日本後于兩家。何以批擣之。
下於俞趙。各有真贓。而獨無尺縷寸絲。爲孫禮家
物也。其可辯者。一王二等積爲同夥。前兩家相共
事。何以至劫孫禮。沈三范五等二人。獨不與。卽或
飛散不常。沈范三人。偶不在。趙甲錢乙。必更有人。
而姓名。何以不入供也。果止此兩人。而何以得附
手。強何以合原呈二十餘人之數。其可辯者。二且
臨變倉皇。何以別識盜手之枝。指果識之。便是物
色之先資。何以初詞不言。至審時纔出此語也。其
可辯者。三故王二等。是竊而非強。孫禮被劫而非
二等。仁和一勘。已洞若燃犀。豁王二之辟。而與沈
三等。均配良。非縱也。惟是王二實爲戎首。而俞本
清之贓。已歸銷化。若明鉉家之金珠衣飾。各有實
贓。王二沈三范五王文。的的無疑。竇獨施陳二毫。
贓未獲。而王二沈三等。亦代爲寬之。則其妄報明
矣。直宜徑釋王二四人。仍依律分別首從。黥配孫

禮之盜○行縣另緝結○

強盜以賊為據○誤竊為劫○不幾獄有冤民乎○種
種駁勘○可謂體上天好生之意○而不負平允者
也○

○劫財拒捕事

陳 懋德 詞 心

審得偷兒曾三之臨時拒捕也○據招有脏有器有
事主頭耳之傷○律斬何說○而細鞫推情○如竊夥逃
脏必先粗重○無衣袋隨身○銀兩遞遞之理○則無駭
明矣○以孤身挖入多人室中○事主驚覺○喊捕何所
恃而聲嚇得財○方休言出曾盜之口○則無挾殺情
明矣○奪刀拒捕○反血五指○指為奪刀一案○若挾
刀傷主而復引刀自傷○必在喉頸不在額指○則無
自帶兇器明矣○而况見驗賊傷有據○全天祥痕跡

無存則受傷之頭耳與先逝之多金皆所以甚倫
兒之罪而坐斬不無可矜也本犯雖久禁遇革徑
釋恐涉干縱仍擬竊盜改配足當其辜矣

○夥盜劫財事

籠 詳 承 籠

審得汪邦宰被殺一案已經屢讞推敲幾無利
矣只緣空山殺人罪人未得故展轉而疑同行之
人致以燭影斧聲之疑定身首異處之案查招汪
邦相趙賢十四初供已監故施鈞二十後施鈞二
十有血褲貯庫是此獄最緊關處若使血污淋漓
卽爲推刃之契如果數點飛洒亦開辨釋之符是
不惟核其真亦可核其僞者皆此褲也當時何緣
迫入在庫蓋浪一時至今遺恨千古今鈞二十已

化異物。此褲亦付之烏有矣。舍此可按之實跡。餘皆竊鐵之疑。以五金而捺同氣之刃。以夙逋而與殺人之謀。以彼傷而謂自傷。以兇器而投入江中。總之事無實據。意揣形摹。迄今而汪繼良汪邦卿。又卸禍于施可。則而口言姦殺。意圖得金。則又事外之葛藤。而原招所不載者也。此一案也。褲無輕領之事。則罪有可案之形。此關一失。而揣摩于謀財報怨之間。有何實據。以定鐵案。所以矻統愈明。敲駁已極。二府之開已。經前人祝網。本府不能再不一勘。以服其心也。

令囚心服。方稱神明。龐公有焉。

○清查冤獄等事

李諱嗣京

審得任君佐任君弼之死于河也。指甲之泥沙。肚腹之膨脹。已足定溺水之案。且君佐屍漂五里。君弼屍漂十里。撈驗之日。體無寸絲。卽兩屍之裸體。而浮沉可識。其解衣而就涉。乃任佛一獄十年。屢獄游移者。以該州初審疎漏。確證無人。止一負衣同涉之陳其讚。竟以未到官三字了之。人命重情。

不求證于地方而僅僅取結于里遞彼里遞者豈
刻守水濱一伺褰裳而物色者哉夫人命大獄
曾無一人目擊其毆而祇憑一結之空言執佛以
抵有是死法乎該州之初讞辟佛者想亦隣兩命
猝亡孤嫠苦愬簡舊案而厚誅于佛也不思佛即
窮克極惡乎而連殺二命當亦少悔于厥心方鼠
竄之不暇尚久立河干俟兩婦至而從容與語耶
佛洵無死法也查例用強毆死打果有致命重傷
雖有自盡實跡依律追給茶埋銀兩發邊衛充軍

蓋指真正下手者言也今二屍有傷無證則任佛
之毆終屬影響似難引用前例且任僊已累斃阿
韓向亦有不願簡驗之詞合無繩以容縱國棟之
罪一杖警之其國棟諸人獲日另結
兩人既死而此人尚立河干或其狡謀亦未可
知總之人命重情毫無證據而遽抵之以死恐
夜臺未免有冤魂之泣也從此斷為是
○慘殺夫命事
邠陽 顏 諱 堯 揆 邑令
審得張拱北雌黃傷眾鄉里大小咸惡之張世貴

借張萬壽之銀借拱北作保頻年莫償以田三畝
抵與拱北令拱北代償子母拱北受田而不輸租
以致萬壽詈北而世貴控壽北致訟之由也及至
州審杖壽而拱北之氣愈高辭愈厲萬壽之羞而
且恨也愈毒假妾喬氏控以強姦方圖必勝不意
壽之輟命于盜也拱北萬壽在城候審二月十八
日萬壽與尹時宇暫歸行至湖塘而日云暮矣向
梁和尚茅菴投宿停歇未幾卽有群盜擁入口稱
讐人先傷時宇隨及萬壽并齋娘擄其衣箱以去
時宇齋娘得不死而萬壽竟作刀下遊魂矣時宇
因讐人二字遂指爲拱北之弟張在中不知稱報
讐乃綠林套語使果是在中則必僞稱強盜而不
自稱讐人且讐人乃萬壽與齋娘何涉而連傷兩
鎗讐人旣殺於他物何利而并劫衣箱此情理之
可測者也據時宇所供入門行覓者四人立門外
者三人夫進門之四人或于燈下見之門外之三
人皆立暗處從何確數止因拱北有同堂七兄弟
故捏七人之數以實之耳且是日拱北在城卽謂

知其將歸通信諸兄弟使殺則計通信之人與時
宇等同行當不相先後而萬壽所歇之庵去拱北
家尚三十餘里使信到輒來半百有奇之路豈一
茶之頃所能輒至耶且當夜時宇能識在中在中
豈不識時宇胡不立斃刀下快其憤而滅其口柰
何反舍時宇而入戮齋娘貽而質之患于今日此
等情事皆屬可疑賊以萬壽之冤宜伸拱北之網
不容漏第抵罪必使得情則生者服辜死者瞑目
故不敢以懸辭擬斷初則肅心齋沐投牒于城隍
繼則躡躑微行潛訪于彼地親驗梁和尚菴坐落
山僻隣佑寫遠其地時有盜警聞舊冬梁和尚質
布遠出被盜來劫齋娘奔山喊救失去米衣而僅
保一牛隨寄山主牧養今春農事將興牛復牽歸
糶穀得價盜復利之是盜原劫梁和尚而萬壽適
逢其會也自喬氏以人命控而拱北亦以抄家控
及訟久業廢風憤漸平復之日籲息其處和而有
一石二斗之田者乃償世貴所借之本利非行財
也處和而有衣服助殮者乃因萬壽之死由于拱

北之構訟惟情助之亦非行財也使人命果真拱
 北即不應行財喬氏亦豈肯受財而今且兩議息
 也總之訟由債與命實盜殺拱北受田而不償租
 以致奸訟釀禍一杖足以蔽辜餘人俱當免議至
 于萬壽橫死之慘應行武剛州嚴緝真盜另結不
 得仍附此案以滋葛藤

從來獄貴得情惟司讞者以草率忽之遂多沉
 抑若能細心推敲民自無冤如此層層辯駁方
 是賢父母苦心

竊殺事

陳謙懋德

審得謀人之事所謂六耳不同者也然而因財因
 讐者猶或可邀密黨獨因姦者決不肯許同人即
 姦殺本律不言皆字之文可推矣此案陳孝朱國
 恭兩人共姦倪氏又兩人共謀殺夫因而兩人共
 麗重辟夫倪氏宣淫賤婢盡人而夫論其平日所
 私豈止兩克哉惟是訂謀下手擗屍拐婦兩克同
 馬倪氏寄送之後國泰竟自歸家展轉頓匿扮男
 進香皆孝周旋狎昵焉而國泰絕無戀戀夫謀夫

者○為○有○婦○也○同○謀○夫○者○為○同○有○婦○也○國○泰○持○刀○向○
 茂○者○謂○何○而○竟○視○婦○如○遺○簪○敝○屣○乎○此○不○可○解○矣○
 且○查○兩○檢○俱○云○太○陽○諸○處○有○碎○縫○刃○傷○頸○項○驗○有○
 纏○繩○原○係○白○色○乃○今○招○與○審○詞○皆○敘○亂○砍○頸○項○則○
 又○何○矛○盾○乎○據○招○茂○主○王○家○實○供○稱○倪○氏○素○與○陳○
 孝○姦○密○而○倪○氏○一○出○屢○以○下○手○獨○歸○國○泰○即○此○參○
 之○而○情○之○疎○密○正○可○見○矣○審○國○泰○呼○冤○稱○係○晚○母○
 范○氏○一○訴○欲○脫○其○親○子○朱○國○正○卸○陷○國○泰○遂○無○從○
 辯○而○陳○孝○亦○為○之○出○脫○合○之○招○中○種○種○疑○竇○不○可○
 為○出○入○惟○有○如○後○所○擬○懸○案○以○俟○另○緝○而○已○

人○命○重○大○稍○有○疑○竇○便○當○矜○疑○彼○草○菅○其○民○者○
 亦○知

上天好生之意乎

麗 諱 承 寵

○必控正斬事
甚矣黃參元之獄為疑獄。魏士元之寃為奇寃也。
士元止生一子。名九兒。年甫十一。就傳于湯明禎。
之館里中。以慧稱。某月某日。忽為岐路之亾。羊越。
二日。得其屍于側旁。遍體殺傷。髮以蘆蓆耳。舌腎。
囊盡去。肚下復有錐孔。慘同入菟跡。似採生本童。
年在齠齔。既無另情可疑。而士元亦自言與人無。
競。衙官驗之。通邑駭之。咸為巷議。塗說。士元于呼。
天愴地之中。能無尋聲問響。始因同學子張錦得。

訛傳于殺猪之鄒短嘴。短嘴居城外。無出城而殺其人。復入城而昇其屍之。理釋之。先是有術士王際飛。寓本城東嶽廟。以靈數動人。忽于次日遁去。咸以爲疑。數與星同道。似不能無議于算命之參元矣。于是祈夢于邑神。赴告于天師。獨行踽踽。喪明者轉而失心。誠可哀悼。有楊長子者。爲里中亡賴。得風聞于酒肆。云係參元殺死。士元遂有控憲之舉。卑職駭其事。齊沐詳訊。拘到傳言多犯。皆屬莫須有。終不得其鑿然之証。據入之。非疑獄固不忍縱之。則終沉童子之冤。尤不忍無已。乃懸車賞于國門。定嚴限爲緝捕。務得被殺真情。並獲王際飛到案。天不祐惡。或自敗耳。但此輩雲水爲鄉。姓名無定。不能以旦暮得之。恐稽憲限久累無辜。謹具由以聞。黃參元爲本董師黃明禎之侄。須著的保。誓釋以矜疑。合之寒審。均在憲臺惻隱之中矣。如其慘冤。莫伸世不常見。留此以正律文。

江表傳
卷一

○謀逐斬宗事

陳 懋 德

審得周國鉉謀逐周岱英一案前贖克棟疑信居
半其斷岱英子于吉士者以齒錄刻名也同年公
揭也。祖母陳氏命今天長知縣周羔寫有留種書
也。且陳氏同方夫人馮氏周羔親至新城接歸也。
叔吉人始憤終悔而出銀婚娶也。故不難破成案。
而子之遂予以田產也。其斷岱英冒認勒令歸宗
者以譜刻為懸名也。公揭為贖筆也。留種書為添
捏也。陳氏領歸為逃僕方亨所祟也。取吉人之婚

江表傳

卷一

八

娶為引岱英擯國鉉也。且謂金菊生女不育而岱英的名吳誌有親兄吳訖出認也。妬母方氏故在先而吉士何以不認歸。且寂無遺言也。甚謂金菊逐出生女之年計之岱英來認之年尚少二歲也。故又不難破成案而逐之盡奪其田產與國鉉也。數年來焚七岱英惟有飲恨荒野誰為一再鳴雪者。今國鉉

憲訪而蕭知縣窮出假兄吳訖誠認乳母彭氏寄育一段情節如畫而國鉉之陰賊殘險謀奪機關始破故又不難破成案而定岱英嗣并還其田產也。職覆鞫其以為吉士一綫不可斬而竊呂之辨亦不可不慎。乃添提本族周于德周加頭等祖母族陳善教等母族方渭城等及生母金菊乳母彭氏公質其持論分祖不一。而本族周于德等特為指誓以爭其假職虛心細詳之。凡爭詞事宜取信于本族而今周于德等所爭則情多可疑。若吉士如綫之脈正同宗共切之情。讞者且惟不棄岱英以餒吉士千萬分中求其一真而同宗直視如仇。

讐○叩○其○故○曰○岱○英○生○于○新○城○未○辨○其○真○也○夫○既○未
辨○其○真○又○何○據○明○其○假○而○絕○之○不○遺○餘○力○也○得○無
如○縣○審○非○劫○鉉○之○威○卽○與○鉉○之○謀○乎○可○疑○一○也○舊
案○云○金○菊○出○生○一○女○旋○死○後○吳○誌○以○後○僞○冒○認○岱
英○今○細○訊○周○于○德○方○潤○城○等○又○云○委○生○一○男○四○歲
痘○亡○此○皆○左○袒○國○鉉○者○而○兩○與○前○情○不○磨○可○疑○二
也○留○種○書○係○天○長○周○知○縣○代○筆○都○的○確○語○後○爲○周
國○鉉○令○阿○奇○倫○去○另○捏○狐○疑○一○紙○送○官○潤○卷○岱○英
自○磨○讀○至○戚○趙○茂○瑛○家○瑛○知○情○願○與○屬○知○縣○于○周
吉○甫○兆○斗○對○質○二○紙○誰○的○父○筆○而○吉○甫○兆○斗○解○後
適○任○天○長○不○肯○出○証○可○疑○三○也○吳○詵○初○供○認○狀○領
狀○皆○爲○鉉○所○賣○及○覆○審○忽○覆○改○口○云○岱○英○爲○母○彭
氏○所○生○親○弟○及○叩○彭○氏○具○述○岱○英○的○爲○金○菊○親○生
金○菊○懷○孕○妬○妻○方○氏○欲○寘○死○地○祖○母○陳○氏○乃○通○方
夫○人○馮○氏○護○菊○養○兒○卽○賣○菊○以○匿○其○跡○而○寄○乳○于
彭○氏○時○生○一○女○不○育○故○得○領○乳○岱○英○方○夫○人○時○有
問○遺○在○家○止○呼○阿○太○並○無○吳○誌○名○十○歲○後○始○得○與
菊○往○來○後○周○夫○人○陳○氏○同○周○知○縣○親○來○接○歸○蓋○此

事止吉士同母陳氏外母馮氏知之。方氏死。吉士
 年尚壯。有妾自異生育。又富俗最賤。婢生子。故未
 領。不意暴死。杭城原未一。及家事故無遺筆。而祖
 母陳氏見吉人。以子國錫繼。猶恐拂次兒心。隱忍
 未言。及國錫夭。而始憶。借瑛接歸。膳讀婚。取留書
 授產。乃為吉臨國。銘父子。百誣鑿謀。買訖。冒認。當
 時即欲一。愬其冤。何由得身到公庭乎。職再訊吳
 訖。如周族人指云。母彭氏乳金菊生兒。四歲痘
 亡。因訊汝母乳菊兒。則自生者何人。云生一女。不
 育。再訊汝母何時生吳誌。云十三年十月初九日
 與金菊生兒。同年月日止。差一時辰。因再訊云。汝
 母既生天。如又生吳誌。此時係雙生。否。訖。遂倉皇
 無以對。母論彭氏生女。非男。活口。現在使當時約
 生吳誌。又何能乳菊兒。至四歲。吳訖在監。又中國
 鏹之。餌耳。故支吾變換。其如真情。畢露。何可疑。四
 也使借瑛果係吳訖親弟。則訖獨無手足之情。借
 英為吉士。後有田有房。訖豈不願而必出認之。以
 歸。同為寡漢前。撫院不云乎。吳訖之具呈面認。

近于可信。然訟十七年矣。訟之出。何其晚也。此已
洞燭國鉉買認之計矣。且吳訟改口支吾。職加以
刑。彭氏但恨其中鉉之餌。而口口為岱英鳴冤。垂
暮老婦。何厚于岱英。何薄于親子。一點真心。獨不
為國鉉財勢宛轉。可疑五也。同年公書。忽以為贗
矣。今同年中。如王林柴諸宦。見在密詢。皆能道其
事。而何據以為贗乎。可疑六也。有此種上可疑。而
周氏本族。何獨不據實存疑。延吉士之一縷。而憑
空証假。為國鉉之百足也。岱英口食無依。國鉉錢
神有靈。祖分左右。無足怪者。然則周于德之爭。其
假適所以明其真也。總之。此三十餘年疑案。今日
欲信此案。莫如滴血。然為後人爭繼。而先使孝廉
不得安于一坯。不忍也。次則莫如勘明生母乳母
一段公案。余菊既非生女。則生男是真。彭氏既非
生吳誌。則金菊生岱英是真。幸兩媪活口見在。周
國鉉之狡毒神謀。可使岱英譜揭遺書。恍惚無據。
姓名年歲。幻換屢更。而睨消日見之候。兩媪猶然
未死。則吉士之骨血。亦猶未死也。職持平裁之當

以楊知府一案為正。若國鉉者，序非應繼，徒借撐
 立門戶，控弟逐英，踞有吉士產業，似此兇惡，方覆
 宗斬祀，是慮而安，望其撐立門戶哉。吉士有知，決
 不願若為後，且其奪嗣，不過奪產，身犯重罪，忍滅
 天親，亦無父吉士之心，其當斷歸宗無疑也。周岱
 英合如縣，斷承嗣房，出照數給領具詳。

此種公案，近于無頭，不知俗吏何從下手。陳公
 揆情度理，不歇反覆推詳，觀其六可疑一經
 出，遂令周氏一綫復存，陰功莫大，所可

鉉律無死法耳

謀殺事

趙諱最

看得陰陽位以十五妓童黃田悅其色而求與爲
 好觀其導欵曲于謝紅候機緣于觀劇似非僮父
 狂且躁率無術者比即使前魚驚創何至焚崔碎
 琴况位果流水無情謂當過門不入耳乃寂寂書
 齋雙雙入幕月檻春陰夜方丙矣而忽作正襟之
 拒以惱襄王當非情理之所有也且同出不歸紅
 已可疑撈屍而起驗已非溺位母不于此時根究
 而輕于深瘞乃曠越經年方脩怨于夙訟之陰明

翼且有財買黃田謀殺之控此其可疑者一也雞
人始唱行者漸稠昇屍出城見之者何止一曾天
壽迨事久而壽并游移其口矣此其可疑者二也
痛毆之際紅宿何所而不一救援此其可疑者三
也撈屍之際衣在何處而不一致辯此其可疑者
四也然則腹不脹滿甲無泥沙壘壘鱗傷胡爲乎
池中則明翼情書粘傘之訴與其母文會不歸之
供更逗一疑緒矣竊恐少年場不無如田輩者爲
之陰構于其間此前院應早有夙夜多露之駭也
是獄也終屬疑團要非鐵案夫讞獄者每于死中
求○生○未○有○于○矜○疑○可○釋○之○人○而○反○予○以○死○法○者○今
蒙施祝網之仁正合
赦款改戍之例
終

增訂臨民治政全書卷之末

櫛芳堂主人彙選

西陵

王一麟彥徵叅訂

薦舉類

○薦舉官員疏稿

秦諱世禎

題為循例薦舉方面官員事○臣嘗深維風紀之說○而知吏治之貞邪○必有所自○外吏則監司其表率○矣○譬之振衣者○必提其領○舉網者○必挈其綱○綱領之地○得而有司之衆○可次第而推也○臣謬承

簡命。予身入疆。所與同心共濟。相為表裏者。惟監司。是賴。初察知蘇松道某。及運司某。貪穢狀。即以白簡從事。自茲而後。莫不共益砥勳。過有半以來。過相規善。相勉利弊。相講求與除。相參酌。一德一心。有呼必應。正猶伯氏吹壎。仲氏吹箎。而韻叶音諧。太和成奏。間有一琴瑟勿調。宮商不節。如淮徐道某其人者。已該漕撫臣王會疏糾彈。仰應計典。重鼓而更張之矣。此外皆錚錚自好。恪共乃職。司賦者賦治。司刑者刑明。若漕務若兵農。亦各專事。咸理。臣今差滿得代。可不表其賢勞。評其才具。以備

皇上不次之擢。而鼓諸臣樂用之心乎。除揚州道叅議劉興漢。以山凝岳峙之標。備和風甘雨之氣。釐弊必窮其源。除蠹必靖其窟。以勘奏纒經昭雪。見候部覆。江南右布政司鄭廷懃。小心執玉。捧盈粹品。輝山媚澤。軍需克濟。望重旬宣。兩淮運司梁鳳鳴。三輔夙馳芳譽。兩淮懋著嘉猷。蠲課既盈。商民交頌。各以履任。方新恢弘。有待俱未敢概列。正薦

外所有應薦者共九員。謹一。品薦為我
皇上陳之。

計開

江南左布政使劉漢祚。高日時艱。殫心

國計。江南財賦。當天下之半。連年水旱。徵督煩難。而

能拮据轉輸。軍需嘉賴。至其正已。率屬文經武緯。

尤絕倫超羣。建牙首選。

江南按察司謝道。執法不阿。持平如水。承讞

欵件大獄。皆引經協律。情法互參。慎刑則獄無冤民。

捐賑則民免饑色。其好善惡惡。出乎天性。冰心

骨允稱。諤諤風裁。卓品也。

漕運道右叅議袁廊宇。器度沉雄。才優經濟。凡漕

儲之利弊。靡不興除。攸當拮据三運。挽遲為速。惠

民利。

國勞苦功高。有臣如此。可無異數之及乎。

淮海道右叅議兼僉事卜三元。雅度翩翩。雄才矯

矯。軍民疾苦。地方利害。一切刑名錢穀之事。隨問

隨答。如在指掌。蓋神周四郊。而胸羅萬彙者。不當

以藩臬久淹之

常鎮道右叅議兼僉事原毓宗端凝之品練達之才臨事不疾不徐而從容中度戢兵安民剪窩弭盜地方賴以寧謐至文章風雅又其緒餘也

蘇松督糧道副使兼叅議張懋忠遇事任真發言中窾漕兌之積弊盡剔梟蠹束手故上年水災之餘輓輸不後其清操定力有過人者

江安淮揚等處督糧道右布政使陳極新規模博大智識淵沉督儲弊絕風清敷政威行惠洽允備屏翰之選

蘇松道副使張獻捷望之樸然無華叩之鏗然發呂蘇松奸宄叢生臨以精詳細膩蓋不務赫赫名而專脩實效者也

江南驛傳道僉事趙日燝才諳敏練品格端莊謹務賴以疏通郵政因之調劑事無巨細措置咸宜監司中白眉也

已上諸臣皆一時方面之良所當薦揚以備優擢者也伏乞

勅下吏部覆加查覈。如果臣言不謬。將劉漢祥等從優擢用施行。
 王彥徵曰：欲善民善轉移。斷自上人源濁而求流之清。豈可得乎？秦君薦舉疏不止于此。惜集中不能多載。然監司賢而守令無有不賢者矣。守令賢而民之蒸蒸向化。有不期然而然者。以此為治政之終寧無說與。

崇祀類

○崇祀名宦申詳

陳諱翼鶚

江南常州府為刺史仁廉懇入名宦以彰碩德以

光

盛興事。據常州府武進縣兩學生員許葵、卿吳觀象等呈詞前事呈稱：竊聞遺愛甘棠，大臣千古之烈流。芳彤管斯民，三代之公有故。刑部尚書原任常州府知府劉諱廣生，天才峻挺，人望蔚歸。孝弟允稱，于鄉黨之言循良素著，為朝廷之績衡文冰鑑。

補遺

五

聿弘兩浙風流。禦侮于城。堪作三秦保障。繼美當年之韓范。息烽警于西陲。欣逢今日之臯陶。肅苗頑于南國。雖海內之銘功。幾遍而郡中之沐澤。尤深。憶昔知常州府時。勵精率屬。懾伏舞文。鞅掌簿書。日不遑乎。再食勞心。撫字風斯動于四方。愛士情愍化雨。因林藹若一家。父子憂時。念切甘霖。應禱誠能。交格天人。養民以致。賢集羣玉。于龍城。拔其尤而。紙貴勞身。以安衆。駕扁舟。于蝗地。災是禱而年豐。掩瘞暴骸。澤淪枯骨。章除火耗。清比。感

是以下車之日。五袴與歌。攜鶴之年。一錢爭送。峴山流涕。人傳叔子之碑。荆水謳謠。家護寇公之笋。生稱卓異。常郡昔有建祠。歿久頌頹。此日應崇名宦。恭遇

太公祖太宗師。風規玉立。品望冰清。惟賢知賢。可藉光前者為勸。後以德報德。亦因下濟者為上行。伏乞

電照積忱。早賜鈞批。以考其實。雷渙大號。轉達學憲。以允其成。庶一代賢良之德。在遠彌昭。而五

邑士民之心無思不服矣。等情連名具呈到府。隨經批仰武進縣查報去後。續據該縣申稱。隨經牒行本府儒學行查去後。隨經本學教授郭士璟。牒稱遵依行委本府訓導李世芳等會同廩增附生員楊二溥。孫光岳。鄒待等。從公結得。故刑部尚書原任常州府知府劉廣生。兩開正氣。一代偉人。昔年吏畏民懷。卓異增股。肱之鼎。迄今童吟叟頌。歡聲載遠。邇之碑。不但鑑徹衡文。光騰兩浙。而且近衛禦侮。績茂三秦。聿稱宇內之鴻功。洵憶當年。

迎○愛○五○邑○共○思○杜○守○弗○剪○憇○棠○一○郡○幸○得○郭○公○紛
 迎○竹○馬○昔○咨○來○暮○今○塵○去○思○在○知○人○在○安○民○彰○瘝
 聿○昭○乎○正○直○能○興○利○能○除○害○好○惡○克○協○乎○公○平○課
 士○龍○城○拔○英○俊○于○牝○牡○驪○黃○之○外○剔○奸○虎○穴○剪○兇
 暴○于○魑○魅○魍○魎○之○中○罷○無○藝○于○催○科○庶○絕○鷄○犬○之
 擾○奠○流○民○于○安○宅○旋○成○鴻○雁○之○居○賣○劍○買○牛○不○負
 奉○龔○之○意○鞭○蒲○撻○葦○難○忘○借○寇○之○心○偉○跡○昭○然○聲
 傳○猶○在○芳○名○夙○著○于○栽○花○河○陽○步○武○絕○唱○久○標○于
 銅○柱○漢○署○增○輝○多○士○賡○中○和○樂○育○之○詩○萬○姓○播○父

母神明之譽。種種善政。不能殫述。懇入名宦。以增
俎豆之光。永配春秋之享。等情。到學。該本學教授
郭士璟。看得原任常州府知府劉廣生。碩德光昭。
弘才卓異。情深愛士。歌雲漢于天章。績著安民。普
雨膏于土壤。典禮與明刑。交飭文事。合武備兼脩。
治比龔黃。三年惟念小民疾苦。謀符韓范。一身直
繫社稷安危。風清百二秦關。春徧九千禹服。偉哉
後學之山斗。允矣先正之風規。名宦追崇。學校公
論等情。一并具結到縣。准此。該本縣知縣張熙岳

看得原任常州府知府劉廣生。德高天授。望著人
宗。理學淵源。不止詩追李杜。才能卓異。直可績比
龔黃。榜發兩闈。多出龍城之選。政歌三異。咸思虎
渡之仁。明允不媿臯陶。壯猷可稱方叔。典禮久缺。
崇祀允宜。等情。具結申送到府。據此。查得本宦科
目履歷。又經行縣覆查去後。續據武進縣申稱。遵
依查得原任常州府知府劉廣生。別號海輿。係河
南汝寧府羅山縣人。中萬曆丁酉科亞魁。辛丑科
進士。初授刑部主事。遷郎中。陞常州府知府。歷任

提督浙江學政按察司副使分守陝西河西道湖
廣下荆南道副使叅政分巡山東兗東道按察使
湖廣陝西左右布政使巡撫陝西都察院右副都
御史戶部左右侍郎南京刑部尚書于崇禎十六
年致仕十七年冬卒

欽賜祭葬等情開申到府據此該本府知府陳翼鶚
參看得原任常州府知府劉廣生德隆天挺才邁
人羣龍城育士昔年明經術以崇文虎穴釐奸今
日執鈞鋤而鄉道風和俗美吏畏民懷清源而治

稱象先之在蒲從俗爲居過叔度之安蜀三秦保
障臯陶明允猶傳五邑謳思方叔壯猷尚在豈其
前者光前仁廉不榮于俎豆何以後者勸後功施
示勒于鼎鍾涕碑雖已久湮崇祀允宜合享緣係
崇祀名宦事理未敢擅便擬合申請爲此今具本
府并府學武進縣繳到官吏師生人等各不扶印
結○合○行○備○由○粘○連○另○具○書○冊○具○申○伏○乞
照○詳○明○示○施○行

康熙元年七月十五日奉

學道胡 批如詳崇祀繳

王彥徵曰甘棠企化○今昔同感○明禋俎豆○山高
水長○要之有利澤及于民者○皆人心之所不能
忘也○豈獨一劉公宜崇祀也哉○舉其一以誌前
烈之不容泯滅云

旌表類

○請表貞烈申詳

沈 謹

此

杭州府錢塘縣為公舉全貞烈女懇乞
題請建坊准賜補祠表墓以崇風化事據本府仁
錢三學廩增附生員汪鍾鎮等連名呈稱杭州府
學生員許國琦今復姓章有姑貞女許氏三姑正
氣天生孤芳性秉方及笄而處室驟聞訃而奔喪
之死靡他遂刺喉以殉節歸寧勿復旋斷髮以盟
心入翁舍登姑樓屏跡不離戶閤茹齋蔬服粗縵

資身惟藉女紅。閭里盡知其名。嫺黨莫睹其面。其
 恭泉壤也。食必獻。忌必哀。而女守婦貞。其孝舅姑
 也。事其生。送其死。而婦共子職。痛宗支之盡。絕隻
 影伶仃。嗟瓶甌之恒空。冰操凜冽。乘冊備載。優卹
 歷加。方守志甫一十七齡。今歷年迨八十七歲。身
 忽云逝。節已終天。傷夫族之無存。念孤塚之誰守。
 蓋風教重而閨帷首重。節婦難而貞女尤難。茲當
 論定之時。正合

綸褒之典。鎮等稔聞貞烈。重憫淪湮。應亟舉。備用

與感伏乞備文通詳。撫按司道各臺憲

特題建坊。勅行祠廟表墓。庶幽光得顯。而倫化克敦。
 不惟福造亡嫠。抑且風施百代矣。等情。又據本縣
 鄉約所約主正副金夢龍等申稱。為遵

憲公舉全終烈女。懇乞轉詳

題表。先准附祠。以顯幽光。以勵風化。事切照馨。如坊
 上里許氏三姑。未婚女貞。克若婦節。自一十七齡。
 聞夫訃而刺喉。剪髮九死不移。今八十七歲。住姑
 家而泣血茹荼。十指自贍。蓋七十餘年。歷兩朝。

臺憲顏之扁額華衮同榮給以粟帛貧嫠獲養當
 其閨秀飲冰固可媲美浙之曹女及今髦年完璞
 直足上追衛之共姜隨考縣志業將事實刊載其
 中專候觀風特加採擇疏聞于上迨及近年蒙各
 院憲察知苦窶各捐俸金正以養老兼可維風緣
 同此秉彝之好重荷優異于生前因知有破格之
 仁必加恩卹于死後復查舊案現存原有
 題請建坊之舉今當蓋棺論定正是請卹旌門之時
 再稽往牒杭郡如未嫁潘聖姑已嫁范氏沈氏俱

經前任撫按會疏奏請建坊各暨里門昭然現在
 值今

清朝屢頒

詔欵例亦相同恩必不靳且上年遵奉憲行一欵
 特立社約凡里中有孝子順孫義夫節婦實行卓
 異該約據實申報具疏彙題等因今許姑住在本
 里咫尺極近聞見最真祇因其家既無似續亦復
 赤貧喪葬無資叩籲何自本約若不申請恐將真
 正烈節湮沒不傳反致歷來上臺禮遇恩賚亦

為虛擲矣。為此合詞具申。伏乞轉詳。院憲題請。
 綸音錄載。國史先准批行。附祠仍立坊。楔照示芳。
 名并勒墓石。永垂不朽。庶孤烈彰而公道明。輿情
 服而頌風挽矣。等情。據此牒行本縣儒學查看。并
 具官吏師生里鄰結狀。隨據本縣儒學廩增附生
 員姚際唐等。結得貞女許氏三姑。正氣天植。孤芳
 性成。未覩夫顏。克全婦道。七十年隻影。孤形冰霜
 共冷。千百載幽香傲骨。金石同堅。今云逝矣。節已
 終天。茲值論定之時。正合。

綸褒之典。所當亟賜表揚。以敦風化者也。等情。并據
 本縣馨如坊上里里遞隣佑童文奕等。結得本里
 貞女許氏三姑。冲齡矢未婚之烈。衰耄堅不二之
 貞。針縷勤奉公姑。兼供子職。粗糲苦延歲月。益篤
 孤操。今既完節。終天應荷。褒旌盛典。等情。結覆到學。據此。該本學教諭舉人張
 之楹。看得許氏三姑。未字而稱。本亡十七齡。奇貞
 殊節。無夫亦復。無贍七十載。飲漿茹荼。十指勤奉
 公姑。半椽慘度歲月。壽不百年。名于祀芬。傳賢媛。

治政全書 卷之

生○未○同○衾○死○共○穴○待○配○幽○宮○業○載○邑○乘○應○請

綸○旌○合○行○棹○楔○之○典○庶○慰○馬○鬣○之○蒐○等○情○申○覆○在○案○

今○該○本○縣○知○縣○沈○虬○查○看○得○許○氏○三○姑○者○未○嫁○守

婦○貞○代○夫○終○子○職○千○百○年○名○教○存○以○永○存○所○係○者

大○七○十○載○宗○祧○絕○而○未○絕○獨○為○其○難○徽○行○懿○軌○既

光○邑○乘○建○坊○崇○祔○必○俟

綸○音○允○當○循○往○例○而○特○題○撫

新○恩○以○下○責○者○也○擬○合○通○詳○為○此○備○由○申○詳

督○撫○都○察○院○陳○批○提○學○道○查○報

○覆○勘○貞○烈○由○詳 張 諱 文 德

覆○看○得○許○氏○三○姑○錢○塘○縣○許○橋○之○女○同○里○蔡○九○經

之○妻○也○稽○其○守○節○之○初○則○在○萬○曆○之○十○有○六○年○迨

其○從○一○而○終○則○在○順○治○之○十○有○三○年○三○月○十○二○日

得○壽○八○十○七○歲○居○孀○七○十○一○載○事○其○姑○甚○孝○而○婦

道○克○彰○守○其○志○甚○苦○而○晦○明○不○變○事○紡○績○以○資○餽

粥○甘○澹○泊○以○度○昏○朝○是○誠○松○筠○之○節○歷○四○時○而○不

改○金○玉○之○質○經○萬○禩○而○常○新○者○也○相○彼○務○而○削○鼻

無○此○從○容○稽○古○陶○嬰○桓○葵○鮮○茲○奇○節○謚○以○尊○名○在

治政全書 卷之 十四

先朝屢經獎卹節以一惠在
盛世可不顯揚相應具

題旌表賜謚建祠用慰貞魂以風頽俗者也具由
申覆

○勘結貞烈看語

谷諱應泰

覆看得許氏三姑貞心百鍊勁節千尋茹藥立操
潔比瑤林積雪辟纊饑志寒同紫塞孤鴻年甫十
七未字夫亡守貞七十一載終天八十七齡行有
光于琬琰節無媿于栢舟生前歷蒙獎勵死後愈

企

題揚郡邑勘結果真合候 憲臺詳奪

○獎勵貞烈批詞

王諱無咎

據詳許氏三姑矢靡他于未笄成完節于蓋棺七
十載操勵冰霜淅水蛟龍飲泣百千秋心昭日月
吳山草木生香誠翠栢蒼松莫能竝老卽渾金璞
玉難與比堅者也急予表揚以符輿頌仍候
各院示行繳

○題請建坊疏稿

禮部

禮部題覆浙江巡撫陳

題前事內稱該臣看得

幽○光○潛○德○爲○昭○代○之○芳○模○旌○節○表○貞○實

盛○朝○之○大○典○如○錢○塘○縣○貞○女○許○氏○三○姑○之○守○志○也○齡

方○十○七○矢○不○字○之○孤○貞○壽○溢○八○旬○保○完○全○之○苦○節

况○復○事○姑○嫜○以○孝○續○祭○祀○以○誠○溫○清○罔○愆○晦○明○不

變○誠○有○齋○季○女○節○並○共○姜○者○也○允○宜○建○坊○表○墓○以

慰○幽○貞○用○勵○世○俗○據○經○該○道○勘○詳○前○來○謹○會○同○按

臣○王○合○詞○共○題○伏○乞

勅下禮部查議施行等因。順治十四年四月二十四

日奉

旨禮部議奏。欽此。欽遵。抄出到部送司。查得錢塘縣
已故童生蔡九經。議聘妻許氏。年十七歲。未婚夫
故。矢志堅貞。孀守七十一年。至今八十七歲。終天
完節。相應議覆。案呈到部。該臣等議得。貞女許氏。
年甫十七。未婚夫云。奔喪下歸。堅志白首。壽踰八
十七歲。相應旌表。以勵風化。伏乞

勅下臣部行文該撫轉行該地方官照題定項下給

銀三十兩。聽其自行建坊可也。謹題請

旨依議。欽此。欽遵。抄出到部送司。案呈到部。擬合就
行為此。合咨前去。煩為查照本部覆奉

旨內及咨文事理。即便會同藩司轉行該縣。照例動
支銀三十兩。公給親屬收領。建坊不得措給。及冒

領侵沒等情。

○捐助建坊批詞

王 諱 元 曦

貞女許氏三姑。藥操筠節。冰列霜嚴。風世垂世。具
足千古。建坊旌表。既經具

治政全書
題而家貧無資落成爲艱官茲土者之責也布政司
即支院銀三十兩給發本生聊佐鳩工取領狀繳

○獎舉行優看語

張諱之楹

勘得本學生員陳雲魁系出名裔凜循先訓家徒
四壁恪守卧碑當青年而入泮端方自矢逮壯志
以成名衆美咸歸竭力孝親割股籲天葬婦翁之
三柩膳寡姐于終年捐產脩墓族屬稱揚種種美
行難以盡述歷蒙宗師給賞曾經憲院
題旌蘊美玉于吳山濯清脩于聖水所當薦擢者
也

○旌舉孝行看語

張諱文光

查勘得舉人徐旭齡孝端百行德動三靈尋父骨
 而情繞慈幃泣烏號于曠野聞姬言而身嘗艱阻
 脫虎口于酸風非夢示不識荒丘惟神扶始還遺
 甦庭共鹿宴人誦麟振急宜樹楔以敦化源或具
 題而旌純孝者也

○請表節壽申詳

慕諱天頌

杭州府錢塘縣為聖世耆年坤儀人瑞叩恩通詳
 表揚以旌節壽以維風教事據本縣太平豐寧等
 坊士民朱高治等連名呈稱切惟詩咏河洲禮嫻
 壺則凡婦順母儀克臻上壽者誠盛世之所必嘉
 古今之所欽尚者也茲錢塘縣良醫馬有成元配
 丁氏歷今春秋已週百歲賢孝天植恭儉性成早
 年織紡勞勩著克家之淑範中年茹丸節操宣善
 後之休聲泊乎晚年勉子若孫克殫世業二子德

劭○岐○黃○何○慚○斷○機○之○訓○裔○孫○功○滿○橘○杏○益○稟○晝○荻○
之○風○至○如○曾○孫○咕○啤○書○香○英○英○頭○角○婺○女○哺○育○呱○
雛○競○兢○栢○舟○眼○前○四○代○身○誕○百○齡○萊○舞○盈○堦○蘭○蓀○
繞○膝○且○也○莊○如○威○鳳○南○極○之○輝○正○榮○仁○屬○祥○麟○北○
堂○之○慶○未○艾○伏○念○

綸○音○滄○錫○凡○古○稀○以○上○者○俱○准○恩○給○粟○帛○得○邀○優○獎○
盛○典○况○茲○百○歲○耆○年○尤○屬○希○邁○前○于○順○治○十○八○年○
有○本○坊○士○民○公○詞○呈○鳴○已○蒙○恩○錫○匾○額○顏○門○本○年○
十○二○月○十○七○日○正○滿○百○歲○治○等○思○得○維○茲○

聖○王○之○在○宥○有○此○仁○壽○之○駢○臻○閭○里○欣○覩○士○庶○崇○瞻○
恭○遇○覃○恩○七○載○福○庇○萬○民○仁○深○錫○類○壽○耆○作○人○始○
終○尚○齒○宏○恩○核○實○通○詳○院○憲○俾○得○特○
疏○表○揚○建○坊○旌○異○庶○恩○褒○申○錫○盛○典○遐○昌○闔○里○幸○甚○
風○教○幸○甚○爲○此○懼○忭○祈○籲○等○情○據○此○就○經○行○仰○該○
苗○鄰○佑○查○勘○取○結○去○後○隨○據○本○縣○豐○寧○坊○里○遞○鄰○
佑○陳○善○長○等○具○結○爲○叩○恩○通○詳○表○揚○節○壽○建○坊○優○
給○以○彰○人○瑞○以○維○風○教○事○結○稱○切○有○本○里○故○民○馬○
有○成○之○妻○丁○氏○青○年○守○志○賢○孝○著○聞○勞○勤○克○家○節○

操善後。二子俱登耄耋。孫曾克振箕裘。前順治十八年間。蒙詳。本府。巡。學。二道。隨蒙。撫院朱。優給苦節永壽匾額在案。今本年十二月十七日。春秋已週百歲。節壽孝義萃于一門。誠聖朝人瑞。盛世坤儀。伏乞詳。憲具。據此。該本縣知縣慕天顏。看得節婦丁氏。乃本縣已故良醫馬有成之妻也。年滿百歲。天與完貞。律已如松柏之處。寒巖繩孫。尤芝蘭之賁幽。谷舞。業已。睡然抱硯。每多俊譽。洵緣教深機。荻快覩功。著杏林。順治十八年之仲冬。卑縣業經備申各憲。奉准給匾。今冬已足百齡。允矣。熙朝人瑞。展也盛世坤貞。合再請乞。

憲臺准載。憲綱并祈。疏題旌獎。以勵通國之貞風。聿彰聖世之曠典者也。卑縣不敢擅便。除申部。撫。鹽三院。并。各憲外。擬合申詳。為此。今備前由理合具申。伏乞。照詳施行。須至申者。

清政全書 卷之
本府丁氏批據詳丁氏節已可嘉。壽復彌百。誠世所罕觀者。應與褒旌。既經通詳。仰候各憲示行。繳。

○勘結節孝批呈

蔣諱國柱

杭州府仁錢三學廩增附生員章玉琳王鴻儒趙蒼璧等

呈為節孝雙全。幽貞並茂。懇賜

題旌。建坊表宅。以勵風俗。以光彤管。事切惟

聖治。莫先于節孝。婦道莫善于幽貞。本府錢塘縣南

壁坊二畝。已故儒士王之輔之妻邵氏。乃今杭州府學生員王一麟之母也。青年失偶。矢志靡他。悲啼。夜月泣杜宇。于三更勁節凌霜。誓栢舟于晚歲。

目為慘耗幾瞽者五載而復開腕切痛傷病噎者
 十年而始愈家貧窶而上事衰姑克盡其孝承歡
 菽水初無間于晨昏躬零丁而下撫孤子克殫其
 慈課業芸窓要不輟于寒暑暨姑寢疾而湯藥必
 嘗不解衣初已三月進子趨庭而詩禮咸勗奚云
 家教止一經爰是庭幃肅睦並嫻乎兄友弟恭族
 黨信從競傳其子孝婦順此乃僅舉其常儀猶未
 僕數其異蹟在昔疫癘時行一家呻吟欲絕氏能
 孝感彼蒼夢神人親調藥劑而老幼咸甦前此冠

賦遙傳遠近驚惶莫措氏獨悲號守塚致墓傍枯
 松復茂而鳩鵲爭棲膠庠膾炙郡邑彰聞蓋昔以
 廿○齡○苦○節○尚○未○及○乎○三○十○守○志○之○稱○今○垂○六○旬○暮
 景○已○心○乎○五○十○待○衰○之○例○此○乃○閭○巷○之○休○光○實○為
 聖○朝○之○上○瑞○幸○際

天臺文教弘敷多士式菁莪之化仁慈普被窮民
 沾惠鮮之恩自非闡發幽貞奚由激揚清濁叩乞
 天臺特賜
 題旌表厥宅里樹風聲于不朽揚淑問于將來則

清江雜錄 卷一

風俗日厚○彤史有光矣○為此激切連名上呈○
巡撫部院蔣批仰提學道勘結詳報○

查詳節孝批呈

七 諱 珽

錢塘縣鄉約所約王正副金甌王受昌等

呈為節孝夙著里門賢德足擅千古遵

憲合詞公舉懇乞申詳

題旌建坊表宅以廣仁邑之休風以顯

盛朝之雅化事切惟敦行興教鄉約屢飭乎

嚴綸淑世維風彤史尤先夫懿德茲杭州府學生員

王一麟之母邵氏係本縣南壁坊二畝已故儒士

王之輔之妻也孤芳天植節操比潔于冰霜仁孝

性○成○賢○淑○素○彰○于○閭○里○自○廿○齡○而○守○志○卽○九○死○以
 不○移○終○年○哀○毀○不○覺○目○為○之○枯○愛○日○精○誠○惟○恐○力
 無○可○竭○奉○衰○姑○而○生○養○死○葬○婦○共○子○職○于○其○前○撫
 孤○子○而○顧○復○訓○誨○母○兼○師○道○于○其○後○慎○終○追○遠○曲
 盡○祭○享○之○忱○內○與○外○咸○無○匱○祀○家○脩○庭○肅○克○興○仁
 讓○之○教○子○若○孫○共○凜○慈○箴○閨○門○秩○秩○禮○儀○卒○度○于
 柔○嘉○兄○弟○怡○怡○物○恒○不○愆○于○言○行○後○昆○能○式○穀○咸
 日○令○母○之○風○施○往○哲○足○齊○芳○實○為○今○日○之○僅○事
 其○誠○孝○格

大○神○人○每○為○助○佑○堅○貞○應○地○物○類○亦○誌○休○祥○甌○等○咫
 尺○里○開○確○徵○聞○見○在○昔○二○十○有○八○歲○宗○族○競○美○其
 冰○操○迄○今○三○十○有○三○年○鄉○黨○播○傳○其○淑○節○再○脩○會
 典○開○載○凡○民○間○寡○婦○三○十○以○前○夫○亡○守○志○五○十○以
 後○不○改○節○者○旌○表○門○閭○除○免○本○家○差○役○班○班○可○考
 氏○則○守○志○未○及○乎○三○十○待○褒○已○過○乎○六○旬○正○合○旌
 表○之○例○應○在○奏
 聞○之○條○已○經○縣○學○查○勘○第○事○閱○風○化○叩○乞
 天○臺○電○察○節○婦○實○行○准○賜○獎○勵○看○語○通○申

三院司道得沐

題旌建坊表宅載入憲綱縣誌則苦節既有可

風淑德不致湮沒不特下里之休祥克顯即

聖朝之大化彌彰矣為此激切連名上呈須至呈者

杭州府正堂弋 批准查詳

○查結節孝故牒

何謙玉如

杭州府錢塘縣為節孝雙全幽貞並茂事奉

本府信牌

提學道李憲牌該奉

巡撫部院蔣批杭州府仁錢三學廩增附生員

章玉琳等呈懇已故儒士王之輔妻邵氏節孝情

詞奉批仰提學道勘結詳報奉此合行確查仰府

查照憲批即查節婦邵氏于何年適夫何年失偶

守節若干年見年若干歲果與例相符逐一確勘

明白限二日內取具不扶印結具由詳道以憑轉
詳院憲等因蒙此案查先據生員章玉琳等具
呈到府已行仰縣查訪取結去後未報今奉前因
合併行查爲此仰縣查照先今事理速將已故儒
士王之輔妻邵氏遵照憲行逐一確勘取具官吏
師生里鄰各不扶印結并開本氏生平事實冊火
速申府立等轉詳施行此係憲件經承毋得遲違
速速等因奉此案照先爲前事奉本府信牌據
生員章玉琳等具呈到府行縣已經備行該學查
訪勘結去後今奉前因合併行查爲此除行該里
備查外合用故牒前去查照來文憲行及今事理
火速確勘明白并具官吏師生印結十一本同本
氏生平事實冊一併具由呈縣立候轉詳施行毋
得遲違速速須至故牒者

○附結狀

杭州府錢塘縣南壁坊二畝里遞鄰佑盧彪嘉等
今具結狀爲節孝雙全幽貞並茂等事遵蒙結
得本里節婦邵氏係已故儒士王之輔之妻今杭

州府學生員王一麟之母○青年守貞○迄今三十有
三載矣○年逾六旬○艱苦備嘗○節堅金石○賢德素著
教○育○有○方○滿○門○孝○義○今○奉
憲○查○允○宜○旌○表○中○間○不○致○扶○捏○結○狀○是○實○

錢塘縣儒學廩增附生員趙蒼壁等○今具

結○狀○為○節○孝○雙○全○幽○貞○並○茂○等○事○遵○蒙○結○得○節
婦○邵○氏○孝○義○力○行○初○年○節○操○堅○持○晚○歲○守○志○維○貞
教○家○尤○謹○子○婦○昆○弟○咸○嫻○肅○離○之○風○內○外○遠○近○共
感○賢○淑○之○化○德○有○多○端○具○開○事○蹟○一○善○尚○有○可○旌○

全烈允宜入

告表揚與例相符○輿情允愜○並不扶同○所結是實○

杭州府錢塘縣儒學林 今具

結○為○節○孝○雙○全○幽○貞○並○茂○等○事○遵○蒙○結○得○節○婦
邵○氏○力○行○孝○義○守○志○維○貞○輿○情○交○頌○應○請
表○揚○除○勘○明○具○申○外○今○具○印○結○是○實

杭州府錢塘縣今具

結○狀○為○節○孝○雙○全○幽○貞○並○茂○等○事○除○將○本○縣○學
查○勘○過○節○婦○邵○氏○守○貞○孝○義○事○實○例○請



表揚勘明緣由備申外結狀是實

康熙五年十一月

日知縣何

典吏缺

公舉節孝事實

林諱允文

杭州府錢塘縣學人呈為節孝雙全幽貞並茂等事今將節婦邵氏事實據各生員開具前來理合開呈本縣請乞轉達施行須至呈者

今開

節婦邵氏原籍杭州府仁和縣人年六十一歲故儒士王之輔之妻今杭府學生員王一麟之母也邵為杭著姓父之熊府庠士蚤卒氏年十五即適之輔夫妻相敬有季缺饁耕之風事舅姑禮甚謹舅

國棟亦儒士年踰七旬寢疾氏相夫侍養必恭且
 敬翁撫牀曰雖古孝婦何以加茲之輔事父亦最
 孝故翁易簀時諄諄以子若婦無過慟為囑不意
 之輔竟以父喪哀毀成疾且營葬西山奔走勞苦
 增劇而殞時崇禎七年也氏痛哭幾絕者數次時
 年二十有八矢志守貞及今已三十有三年矣
 一氏夫王之輔歿氏即欲與偕亡歿之夕號咷昏迷
 不知有生○水漿不入口者五六日姑高氏慰之日
 汝○不○欲○生○吾○則○何○倚○且○尚○有○諸○孫○在○也○善○撫○之○成

人何莫非畢吾兒事則吾兒猶不死也蓋強飲食
 之○氏○叔○邵○之○驛○亦○解○勉○之○曰○殉○節○非○難○而○撫○孤○為
 難○善○事○堂○姑○以○成○亡○者○之○孝○善○育○孤○子○不○斬○王○氏
 之○宗○皆○于○此○身○有○賴○烏○可○拘○小○節○忘○大○體○也○哉○氏
 乃○感○悟○得○不○死○然○其○哀○慟○之○衷○未○嘗○時○時○忘○也
 一本氏守夫制終歲啼哭悲傷目為之昏翳膈為之
 翻胃諸醫莫效咸曰心性之疾非藥石所能瘳也
 逾十年一夕夢神人曰汝攸好德當使康寧如舊
 既以劑比寤時香美猶在口吻自是而目漸明噎

隔亦少減矣○前此丙子歲春○疫癘時行○舉家亦為○所染○氏夢天神醫曰○此孝弟門閭○急沃以清涼之○劑○次日老幼困頓者咸甦○鄰里競傳以為節孝所○感云○

一本氏前姑盧氏生之民之翼○繼姑高氏生之輔○卽○氏夫也○氏與前姑曾未覲○面值忌辰○必祀必誠○且○問生存所嗜○飲食而必薦焉○迄今不衰之民夫婦○蚤世○繼之翼次子為嗣○仍無所出○氏為奉其主于○家廟○勿令匱祀也○凡伯叔祖妣而下乏嗣者亦如○之洵可云有齊季女矣○

一錢邑庠生王之翼○卽氏夫前母兄也○兄弟怡怡○勝○于同胞○傍人謬為離異○氏勸夫益厚其親親之誼○伯家苦清貧○氏更勸夫以已資產分讓之○伯年高○氏復令已子時時餽養○不絕不特如姪無間言○卽○伯兄亦亟稱其賢淑○不置也○且勗猶子勤學○以為○家世光○故侄來靜○登丁亥武科○士進為府庠士○皆○氏造就之功居多云○

一本氏家素貧○夫亡益甚○自崇禎庚辰歲後○饑饉頻

仍○迫○不○能○支○變○釵○珥○勤○女○紅○拮○据○菽○水○以○奉○邁○姑○
 已○與○眾○子○每○食○粗○糲○不○使○姑○知○懼○其○食○不○甘○也○時○
 郡○邑○有○賑○粟○輒○不○受○且○曰○天○之○將○降○大○任○者○餓○其○
 體○膚○吾○子○勉○之○其○廉○隅○自○飭○垂○訓○後○人○有○若○此○
 一○甲○申○後○風○鶴○遙○傳○遠○近○咸○懼○盜○賊○之○竊○發○奔○徒○莫○
 定○氏○獨○奉○衰○姑○廬○墓○側○曰○倘○有○不○測○卽○以○身○殉○也○
 然○旦○夕○哀○號○酒○淚○墓○傍○有○枯○松○復○茂○鵲○來○巢○其○
 上○郡○人○以○為○歲○寒○盟○心○勁○節○挺○瑞○云○
 一○丙○戌○歲○氏○姑○患○癰○自○夏○徂○秋○四○閱○月○氏○撫○摩○腫○痛○

問○視○藥○食○不○敢○頃○刻○離○左○右○然○憊○已○甚○氏○心○益○急○
 乃○禱○于○東○嶽○祠○請○以○身○代○姑○夢○神○語○曰○命○盡○今○夕○
 數○不○可○追○以○汝○媳○懇○誠○寬○期○三○日○時○八○月○旣○望○子○
 夜○也○果○十○七○日○而○賓○天○矣○諸○孫○哭○泣○治○喪○禮○事○云○
 如○事○存○事○祖○母○如○事○親○要○皆○氏○之○教○育○有○素○也○
 一○本○氏○出○自○詩○禮○舊○族○故○凡○四○子○經○義○咸○通○且○精○書○
 筭○課○子○讀○書○皆○口○授○雖○寒○暄○不○輟○子○有○倦○容○卽○垂○
 泣○曰○子○不○卽○云○者○欲○訓○汝○輩○成○人○以○報○先○人○志○也○
 若○不○努○力○吾○亦○徒○生○諸○子○咸○涕○泣○惟○命○後○竟○以○家○

計艱難祇令長子讀書餘各任商賈以資力養日
但能粗知禮義經營朝夕不爲
朝廷游惰之民則善矣敢厚希榮寵哉其訓子循分
又若此

一本氏父邵之熊早故未葬棺爲洪水所衝氏聞之
惻然卽命子典衣卜地爲窆歲母顧氏年老孤貧
無倚迎之家生養死葬焉庶母弟夫婦相繼而亡
氏咸爲之殯葬至今春秋致祀勿絕所遺子女復
爲之遺嫁焉王氏有姑適張門亦夫婦相繼亡凡
歲時致祭必及之其敦倫姻睦又若此

一王氏有黃山祖塋近百年矣子姓輪祭容有怠廢
者氏命諸子無分輪與否必祭也傍有枯骸三具
乃當時鬻地之家議遷而未果者後亦寢絕矣日
久暴露氏值掃墓見而傷之呼子命守墳人畚土
瘞之且春秋二祀必旁及焉歲以爲常其澤及枯
骨又若此是以迄今諸孫繩繩曾孫亦復多人未
必非氏之陰德有以綿之也

一本氏有子四人長一麟卽府庠生也性至孝友膠

庠以行優聞次一鳳一龍其季一驥則遺腹子也
皆克遵氏訓或操末業或牽車牛以膳母與兄並
以孝友長厚著稱內而諸妯娌相親愛懽然若一
母之女下而諸子姪相和順又秩然若一父之子
以故宗族鄉黨稱為今日僅事所以然者母能訓
其子兄能率乃弟夫能刑于婦雖居處數椽極湫
隘而藹然秩然蒸蒸夔夔洵足以美風俗興禮讓
倡明
盛朝之雅化豈日家脩小補云

一本氏有女許字盧門未笄而卒悉以原聘還之使
其再娶也諸女姪婚姻愆期者必焦勞勉為措置
至舅姑所遺衣皿遍給所親愛欲共誌手澤于不
忘未嘗私一芥一縷也緣本性慈惠好義不喜封
殖自利即當旦晡食時寧已不飽而飯行路之饑
乞者
一本氏初無家業僅有宅址地數分又墳山地十餘
畝為子姓公產也應辦糧稅氏獨任之且戒子必
先期以輸日食土終事分所宜然無令追呼之及

古
教
全
書
卷
三
四

吾門也○積數十年于茲○從無後時里○逋觀感相率○
勸勉○非深識義理者能之乎○其急公奉上之誠○雖○
鬚眉男子○有未及者矣○

○通詳節孝申文

七 諱

奕

杭州府為節孝雙全○幽貞並茂○懇賜

題旌建坊表宅○以勵風俗○以光彤管事○康熙五年九

月十六日蒙

提調學政道李

憲牌該奉

巡撫部院蔣

批發本府仁錢三學廩增附生員

章玉琳王鴻儒趙蒼璧等呈詞呈稱云云等情奉

批仰提學道勘結詳報奉此合行確查仰府查照

憲批即查節婦邵氏于何年適夫何年失偶守節

若干年見年若干歲。是否與例相符。逐一確勘。明白。取具不扶印結五套。具由詳道。以憑轉詳等。因到府。蒙此遵照憲行抄發原呈。備行錢塘縣。確查本氏守節緣由。并取生平事實。及印結去後。隨據該縣申稱。奉此案查先據生員章玉琳等。并鄉約主金甌等。具呈到縣。准經併行本縣儒學。并該里確查去後。隨准本縣儒學牒稱。蒙此就經行着各生。并該里鄰查勘。間隨據結覆前來。該本學教諭林允文查勘得節婦邵氏。係南壁坊二畝已

故儒士王之輔之妻。今杭州府學生員王一麟之母也。當之輔以父喪成疾而殞。氏則痛不欲幾生焉。青齡喪偶。矢不二之堅貞。皓首全名。守從一之禮制。愁毀骨立。而荼苦自甘心。同匪石悲咽聲嘶。而影隻自弔。志比哀鴻。務伸乾坤之大義。違恤艱苦之備嘗。自茹粗糲。而色養堂姑。疾病請以身代。不僅生事死葬之文。口授簡編。而力行課子。豫順洽于庭趨。並爛蓼莪。棠棣之訓。淑問素彰于閭里。洵閨閣大賢。芳標足冠乎古今。實女中人傑。合茲

綸○褒○盛○典○粘○同○印○結○并○具○事○實○見○在○仰○祈○本○縣○轉○達○
又○據○該○里○鄰○佑○盧○彪○嘉○等○結○稱○云○粘○覆○在○案○今○
該○本○縣○知○縣○何○玉○如○查○看○得○節○婦○邵○氏○之○守○志○也○
以○二○十○八○齡○冰○霜○自○持○于○今○已○六○旬○矣○三○十○餘○年○
間○金○石○不○渝○將○古○之○稱○節○婦○者○何○以○加○焉○至○其○敬○
事○舅○姑○訓○孫○育○後○表○表○在○人○耳○目○間○尤○其○淑○順○事○
也○業○經○該○學○確○結○勘○明○允○宜○亟○為○揚○舉○合○樹○坊○模○
昭○示○風○聲○伏○候○俯○賜○轉○詳○准○載○

憲綱以俟循例具奏

上請褒榮并同各官吏師生里鄰印結事實冊具申
到府復據錢塘縣鄉約所約主正副金旣王受昌
等呈為節孝夙著里門賢德足擅千古等事呈詞
呈稱云云等情又據錢塘縣儒學廩附生員趙
蒼璧等結稱云云等情據此併附在案今蒙前因
隨該本府正堂弋覆查看得節婦邵氏夙嫻禮
訓厚植壺儀青齡堅金石之操為志彌苦白鬢勵
松筠之守其德益彰尤足羨者坤範著于一身自

家脩而宗族而鄉黨咸欽表率更可異者精誠格
乎神物自却疾而致和而裕後屢召嘉祥幽貞著
聞褒嘉宜渥既經該縣學結勘詳明又據採訪生
平事實應請載入 憲綱縣志仍候

憲臺特賜

題旌表揚令淑建坊顏額以為後人模範統候
憲裁卑府不敢擅專擬合請詳為此今將前項緣
由除通中外同具本府并該縣繳到各不扶印結
併事實冊理合具申伏乞

照詳施行

巡鹽御史李 批據詳邵氏節孝兩全賢能並著

閩範中誠足嘉尚仰即給扁旌獎仍候

撫部院批示行繳 給扁 閩閣大賢

布政司袁 批邵氏貞節允宜

旌表仰候 學道轉詳繳 給扁 壺範傳芳

按察司馮 批據詳邵氏節孝兩全允宜

旌表仰候 學道轉詳 兩院批示行繳 給扁

節孝兩全

杭嘉湖守道吳 批邵氏貞節可嘉例應

旌表仰候 督撫批示行繳 給扁 金石貞操

杭嚴兵巡道熊 批邵氏苦節可風允宜

旌表仰候 各院批示繳 給扁 徽音令範

提學道李 批仰候轉詳行繳 給扁 端淑秉

總督部院趙 批仰候 撫部院批奪繳結存查

學道覆勘轉詳 批據詳邵氏節孝誠堪風世仰道

巡撫部院蔣 批據詳邵氏節孝誠堪風世仰道

行縣給扁獎勵繳 給扁 閨中正氣

總督部院趙 又批仰照 撫部院批示繳

扁 盛世坤儀 義門貞節

杭州府弋 給扁 節孝流芳

錢塘縣何 給扁

收全書 卷之...

○覆查節孝批申

趙諱廷臣

○杭州府為節孝雙全幽貞並茂懇賜

題旌建坊表宅以勸風俗以光彤管事康熙五年

十二月十九日奉

總督部院加一級趙批本府申詳錢塘縣節婦

邵氏節孝緣由奉批仰候

撫部院批奪繳結存查奉此遵行開隨蒙

提調學政道李僉事憲牌康熙六年正月二十一

日奉

江東全書 卷之...

巡撫部院蔣 批本道呈詳前事奉批據詳邵氏節孝誠堪風世仰道行縣給扁獎勵繳奉此案照前事據該府呈詳前來該本道看得節婦邵氏端淑秉心嚴慈迺後以二十八齡而矢志蚤賦閨中正氣歷三十三載之冰霜晚傳內則休聲苦節既底于永貞純孝彌馨其盛烈既經郡邑確勘美有同辭查與典例相符相應請 憲具題旌揚併准載入憲綱縣誌以維風砥俗者也奉批前因合行知照仰府查照憲批及來文事理即便

轉行該縣置辦扁額鼓樂導送本氏門閭用旌孝仍載入 憲綱縣誌稽核等因又蒙巡鹽御史李 批同前事奉批據詳邵氏節孝兩全賢能並著閩範中誠足嘉尚仰即給扁旌獎仍候 撫部院批示行繳蒙此案照前事卑府先經勘明具詳 各憲臺均蒙批允旌表在案見在行縣置扁以旌其門併載 憲綱縣誌訖遵奉前因擬合申明合候 憲臺俯賜表揚為此今備前由同原

江東全書 卷之... 四十一

奉批申。理合粘連具申。伏乞 照詳批示施行。
總督部院趙 批應否具 題仰提學道查例報

○覆詳節孝看語 李 諱 如桂

覆看得會典開載凡民間孀婦年三十以前夫亡

守志至五十以後不改節者原有

題旌之典今邵氏以二十八齡而矢志見年六十

一歲守節三十三年允合奏聞之例但特典出自

憲裁本道未敢擅便

○彙題節孝疏稿

秦 諱 世禎

題為循例表揚節孝以信

恩詔以勵世風事臣惟閨門繫風化之原孝行乃百

善之首故易訓從一婦貞見于恒爻詩咏蓼莪子

道詳于聖傳然而世去古遠風俗澆漓使非

在上者神其激勸之用以鼓舞磨勵何以砥江河而

敦教化故表揚節孝者非僅為此節婦孝子數人

勸也先既奉有

恩詔一欵查舉孝子順孫義夫節婦臣巡歷所至通

行有司採訪令都里公舉孝子節婦實蹟取具的確甘結不得止憑學校虛飾文套臣僚六府一州據道府詳報摘其守節最久最苦行孝極奇極著者共二十四人謹逐一開呈上聞其餘年歲未詳事蹟平等者俱准入憲綱給以粟帛獎勵未敢槩列及經前按臣學臣題過者亦未敢重叙外伏乞勅下禮部覈議覆請旌表施行

計開

烈女一口

楊氏蘇州府嘉定縣人生員楊兆紳女許配王政新為妻父歿與母弟紡績為生聞夫疾故誓死靡他及親黨主婚欲奪其志氏乃迎姑至紉服題詩剪髮付姑一慟而訣空室自裁貞性凜凜該臣看得楊氏儒門弱質絕代貞媛未結紅絲頓觀彌留之慘親題黃絹遂堅不字之操乃因戚族構婚亟請姑嫜告別香雲半縷無非萬恨千愁完璧一身

漫道江流石轉結勘既同允宜表揚

貞女二口

周女松江府上海縣人故民周鼎臣女十二歲時許朱孔賜為妻孔賜因患弱症未婚身死氏年二十九歲矢志持齋守節見年五十八歲寧違父命誓死靡他該臣看得周氏在室夫亡矢志不二天真未鑿何曾笑半刻春風人紀獨操惟自泣一生夜雨完真可尚巾幗為光結勘既同允宜表揚
吳氏常州府江陰縣人吳正巳之女許配袁永廣

為妻未嫁夫故時在天啓元年之六月氏年十九歲守節至今三十三年見年五十二歲該臣看得吳氏婚無半面志勵一生帳冷衾孤十九歲不夫之新婦霜清月皎五十年未嫁之老嫠奇節罕聞冷名振古結勘既同允宜表揚

烈婦二口

程氏徐州豐縣人監生程熈女十八歲配金荷生為妻合衾纔四日荷生腰患惡疾氏晝夜躬親湯藥不合睫者兩閱月荷生竟不起氏拊屍慟絕遂

不進食誓以必死○父母勸慰再三堅不為轉○密繼
 于亡夫之靈左○乃夫歿之第三日也○該臣看得程
 氏坤德全鍾○貞風特邁○甫四朝之燕爾○情分非深
 捐一命于雉經○剛腸何烈○結勘既同○允宜表揚
 周氏淮安府山陽縣人○生員周秉正女○十八歲嫁
 夫王啓禎○甫三月啓禎疾故○氏慟絕中夜始甦○舅
 姑日食不充○賣女紅以供甘旨○倦卽以針刺血○徹
 夜不寐○三年服闋之日○從容閉戶○衣喪服自縊而
 終○該臣看得周氏詩禮夙嫻○節孝兼嫻○祐禰三月
 遂成分鏡之悲○血指三年不負蘋蘩之托○從夫地
 下○留譽人間○結勘既同○允宜表揚

節婦一十六

蕭氏蘇州府常熟縣人○十八歲適儒童徐茂滋為
 妻○兩載夫歿○時年二十歲○翁姑先已雙亡○遺孤纔
 及兩月○毀容忍死○獨力支持舅姑暨夫三棺○皆其
 襄葬○守節四十餘年○見年六十歲○該臣看得蕭氏
 芳年隻影○勵皦節于清霜○寒室孤雛○泣窮愁于夜
 月○一經教子力舉三喪○是節操而兼有才智者○結

勘既同允宜表揚

閔氏蘇州府吳縣人十六歲適張弁爲妻五載夫故氏年二十歲子甫三齡乃撫孤號哭晝夜不絕母死遂止歸寧撫兒成立守節四十餘年見年六十二歲該臣看得閔氏蘭蕙爲姿冰霜比操五年鴛侶遠罹舞鏡之悲三歲藐孤不免牽衣之泣稱未亡者四十餘年爲難決者一綫之脉結勘既同允宜表揚

呂氏蘇州府太倉州人生員呂均女十七歲適龔

孟理爲妻二十歲夫喪哀毀將以身殉旬日不食勉從姑慰翁欲其改嫁衣食毫無所給氏卽斷髮改容奉夫靈座就養于母家守貞四十餘年見年六十歲該臣看得呂氏十七而嫁二十而孀絕粒悲鳴幾欲殉夫于泉壤毀容斷髮姑爲侍母以晨昏時對亡靈彌堅初志結勘既同允宜表揚
馬氏松江府上海縣人係馬世昌女十八歲適生員喬軫爲妻二十二歲夫故撫立本縣學生喬焯爲嗣守節至今見年七十四歲該臣看得馬氏四

載○鸞○傳○甫○見○琴○調○瑟○叶○五○旬○鵠○寡○誰○堪○雨○苦○風○凄○
熊○丸○訓○勉○媿○美○三○遷○經○織○勤○劬○幸○維○一○綫○結○勘○既○
同○允○宜○表○揚○

陳○氏○常○州○府○武○進○縣○人○陳○應○元○女○嫁○夫○潘○培○為○妻○

夫○故○氏○年○十○九○歲○守○節○四○十○九○年○見○年○六○十○八○歲○

該○臣○看○得○陳○氏○甫○笄○出○嫁○十○九○夫○亡○上○有○孀○姑○下○

有○弱○子○遭○家○多○難○朝○朝○泣○對○寒○燼○與○世○增○光○永○永○

堪○標○信○史○結○勘○既○同○允○宜○表○揚○

趙○氏○常○州○府○江○陰○縣○人○係○趙○鏐○女○十○七○歲○嫁○錢○合○

素○為○妻○十○九○歲○夫○亡○守○節○四○十○八○年○見○年○六○十○七○

歲○該○臣○看○得○趙○氏○蚤○歲○喪○夫○旋○復○喪○子○誓○靡○他○之○

志○堅○待○死○之○心○寒○窓○洒○雨○對○總○帳○而○孤○鳴○冷○竈○炊○

烟○勤○絲○筐○以○自○給○結○勘○既○同○允○宜○表○揚○

繆○氏○常○州○府○靖○江○縣○人○係○繆○初○女○十○七○歲○嫁○夫○呂○

志○茂○夫○死○氏○年○十○九○歲○止○生○一○子○以○成○時○方○彌○月○

翁○姑○俱○年○七○旬○晨○昏○紡○績○葬○養○克○盡○守○節○五○十○一○

年○見○年○七○十○歲○該○臣○看○得○繆○氏○十○七○于○歸○兩○期○喪○

偶○青○年○矢○節○歷○人○世○未○有○之○千○艱○白○髮○完○貞○續○呂○

氏○幾○希○之○一○脉○結○勘○既○同○允○宜○表○揚○
盧氏鎮江府丹徒縣人○盧時賓女○十六歲嫁夫周
大順為妻○夫因遠館維揚○染成怯疾○未幾竟故○氏
時十九歲守節四十二年○見年六十二歲○撫未週
之弱嗣鞠育成人○奉垂白之翁姑○割股療疾○該臣
看得盧氏○誓合三年○釵分一旦○方其良人遠館○每
虛琴瑟之歡○迨至抱疾歸來○備竭扶持之苦○撫週
歲藐孤○至于成立○事高年霜髮○罔缺晨昏清節○嚼
然輿情交頌○結勘既同○允宜表揚○

呂氏淮安府安東縣人○十六歲適庠生吳之璜為
妻○十七歲生子名胤昌○十八歲夫故○守節四十五
年○見年六十三歲○該臣看得呂氏○笄年合卺○越歲
分鸞○吳氏一塊肉○保全費盡○辛勤守節六十年○寒
暑○豈日容易○子已青其衿于庠○序母當白其節于
朝堂○結勘既同○允宜表揚○

韓氏淮安府安東縣人○係韓友范女○年十七歲嫁
夫王繼祚○二十歲夫故○遵夫遺言○供養祖姑寡姑○
生前救水無虧○歿後力襄窀穸○守節四十四年○見

年六十四歲該臣看得韓氏青年失偶白首靡他
最難者奉侍兩姑生事死葬歷歲寒而不變松栢
彌堅守遺囑以無忘冰霜愈勵結勘既同允宜表
揚

劉氏徐州碭山縣人係劉敬身女十六歲嫁儒童
屈尚禮為妻十八歲夫故產有遺腹子屈鳳翔終
身孝事翁姑訓子成名守節六十餘年見年八十
一歲該臣看得劉氏合歡兩載苦節六旬遺腹呱
呱教就和熊晝荻誓心嗽嗽芳傳玉潔冰清結勘

既同允宜表揚

陳氏揚州府江都縣人係陳福女十七歲嫁劉光
祚為妻越三年夫故時年二十歲止生一女守節
四十五年見年六十四歲該臣看得陳氏天日矢
心冰霜勵志夫亡最早悲哉生女未生男氏節彌
堅偉矣事一不事二血十指而資炊釜歷萬古以
植綱常結勘既同允宜表揚
仲氏揚州府寶應縣人十七歲適朱天耀為妻二
十一歲天耀病故遺有二孤氏地無立錐粟無擔

石畫績夜綉以哺二雛葬姑葬夫戚氏辛苦襄事
守節四十二年見年六十三歲該臣看得仲氏芳
年失偶矢志靡他養生送死歷來多少艱辛雨泣
風愁此事非同容易金稱百鍊玉貴無瑕結勘既
同允宜表揚

王氏揚州府泰州人十六歲適生員田大有為妻
大有弱冠身故氏時年甫十九歲斷髮明信矢志
靡他養姑守志苦節七十九載見年九十八歲該
臣看得王氏三年伉儷百歲冰霜斷髮明心抵多

少斬釘截鐵和熊勗子到于今桂茂蘭芳天假長
齡人瞻令節結勘既同允宜表揚

戚氏揚州府泰州人係戚天民之女嫁于應鰲為
妻甫數年夫故氏時年二十五歲孝事舅姑撫孤
成立苦節四十五年見年七十歲該臣看得戚氏
偕鴛日淺寡鵠年長血十指以供親克全孝敬持
一經而教子不廢愛勞白璧言完青松無改結勘
既同允宜表揚

張氏揚州府如臯縣人張恩生女十七歲嫁故民

秦承業為妻二十五歲夫歿守節六十四年見年
八十九歲該臣看得張氏冰雪作肝桂薑成性撫
遺孤于七月續秦門將斷之香烟奉姑舅于暮年
繼夫亡未竟之餘志人欽大節天假長齡結勘既
同允宜表揚

孝子三名

陳嘉謨揚州府興化縣儒學生員父陳弘道與惡
棍王奇王安生等有讐構顧福寰誣弘道為鹽徒
私販具首督鹽部堂衙門提解維揚繫獄嘉謨欲

一面父而不可得呼天搶地血淚迸流無路自寬
其心一死于是血狀訴神遺書別婦遂一躍波心
而死觀者萬人父冤由是得白嘉謨年纔二十至
性天成讀其遺婦之書令人淚下該臣看得陳嘉
謨心傷父冤求雪無路效緹縈而不逮追屈子于
江波是所稱忠臣死忠孝子死孝者也結勘既同
允宜表揚

高應豸常州府無錫縣人係高可學子天性至孝
其母費氏早亡抱戚終身伊父業儒生三子而應

身居其次○議配王氏○未娶先死○適值伊父病○下應
身痛父遺言○誓不復娶○遂終身不近色○該臣看得
高應豸○孺慕性成○友讓天植○聞蘭房云○菱之計會
椿庭將傾之時○父曰○待我續聘○固亂命亦善言也
彼則痛念不復娶○謂末由稟命也○非孝義兼篤者
乎○結勘既同○允宜表揚

王鼎臣○蘇州府吳江縣人○係故民王之樾子之樾
事親至孝○割股療母○鄉黨稱之○鼎臣克肖父行○竭
盡子道○且樂善好施○辛巳年減價糶米○壬午年捐

米賑○癸末年脩理城垣○造塘橋○築馬路○脩文閣
督官塘○辛卯年水災異常○饑饉載道○先賑粥三十
石○及臣目擊心傷○出示勸賑○鼎臣樂捐米二百二
十石○時正騰貴○值價千金○賴以發賑○全活甚多○鼎
臣不願義稱○惟求旌其父孝○只此一念○便是孝慈
兼盡矣○倘不加以特旌○何以昭示勸典○所當表揚
世孝○激勵義風者也

○採訪節孝批申

李諱之芳

杭州府為出巡事康熙六年五月二十一日蒙

巡鹽御史加一級李憲牌照得本院奉

命代巡省方問俗惟以正倫宣化為第一喫緊事倘
 閨幃有冰蘖之操草莽有蓼莪之彥而懿美勿彰
 烏所謂激揚導勵乎合行採取該府即便轉行屬
 縣確查真正孝子節婦彙造清冊送院以憑旌獎
 優恤等因到府遵經通行各屬縣採訪去後催據
 仁海富餘臨新於昌八縣各申稱遵奉憲行查

得本縣境內孝子節婦實無其人事干風化不敢
 輕舉各等因申覆在案止據錢塘縣知縣何某申
 稱蒙此案查先為節孝雙全等事據本縣鄉約所
 約正副金甌等呈舉本縣南壁坊二屆已故儒士
 王之輔妻邵氏係本府儒學生員王一麟之母生
 平節孝兩全具結公呈到縣復據本府仁錢三學
 廩增附生員章玉琳等連名呈懇旌表節孝呈詞
 各前來業經牒行本縣儒學確勘結覆申詳本府
 隨蒙通詳 三院各 司 道均奉批允獎勵給

扁并 學憲行文載入憲綱縣誌俱各遵行現候
 題旌在案今蒙前因合將原詳本氏各勘語備造清
 冊見在合先申報復該卑縣查看得奉 憲採訪
 節孝一事誠為風化首重今有節婦邵氏青年苦
 志白首堅操及伊子生員王一麟謹修門內孝友
 著聞閭里賢哲蜚聲黨族前已縣學結覆復蒙
 道 府優獎 各憲俱蒙表揚已奉 學憲兩經
 查勘准載憲綱縣誌此蓋坤德之凝聚士林之休
 聲所當亟為揚勵俟 憲轉請

題表者也。今奉採取據實申報等因前來。據此隨該
本府知府弋某覆查勘得激揚清濁乃
朝廷風勵鉅典表揚節孝實
憲臺教育弘仁案據
錢塘縣確勘節婦邵氏志凜冰霜行同圭璧卑府
先經通詳各上臺復蒙
學憲兩次勘明知照
載入憲綱縣誌且查伊子府庠生員王一麟克遵
母訓友愛弟昆行實端方真所謂節孝萃于一門
巴荷上臺優獎未泯

諭褒今據該縣遵

憲採訪具文申請

憲臺特疏具

題樹之坊表以彰大化卑府未敢擅專合先詳請為
此今備前由同該縣繳到清冊一本另具書冊理
合具呈伏乞照詳施行

康熙六年六月

日奉

巡鹽御史李批據詳邵氏堅節可風伊子王一
麟士行無忝允宜旌獎優恤仰候詳
督撫二部院批示行繳

○獎勵行優關文

何諱玉如

杭州府錢塘縣爲出巡事。本年七月二十二日奉
本府信牌該蒙

巡鹽御史李批府呈詳錢塘縣遵舉節孝緣由
蒙批據詳云云等因。蒙此除將節婦邵氏已蒙
本院牌示優恤外。其伊子王一麟係府庠生。合行
知照。爲此仰縣官吏遵照憲批該縣存案。即便轉
行該學獎勵。毋違等因。奉此遵經存案。外擬合轉
行知照爲此合關。貴學請照來文及憲批事理。

清政全書 卷之


希將生員王一麟獎勵施行須至關者

計粘單一紙

本府看語云云

本縣看語云云

康熙六年七月



文化獎賞

